

ԹԻԻ

ՆՈՐ
ՄԱՏԵՆԱՇԱՐ

2

329.14

Գ-67

Ա. ԳԻԻԼԽԱՆԴԱՆԵԱՆ

ՍՏՈՒԳՎԱԾ Է 1961 թ.

ՅԵՂԱՓՈԽԱԿԱՆ ՀԱՅՈՒՅԻՆԵՐ

ԱՌԱՋԻՆ ՄԱՍ



Փ Ա Ր Ի Զ

1939

A $\frac{\text{II}}{10236}$

ԵՐԿՈՒ ԽՕՍՔ

Հակառակ նորա, որ երկար դարեր մենք շփումներ ենք ունեցել եւ յառաջ ենթարկւել ենք մահմետական ժողովրդների լծին, բէպէտ այդ մահմետական ժողովրդները որոշ ազդեցութիւն են ունեցել մեր մտածելակերպի եւ կենցաղի վերայ, այնու ամենայնիւ նրանք երբեք չեն կարողացել փոխել հայ մարդու վերաբերմունքը դէպի հայ կիներ:

Հայ կիներ երբեք չի ստրկացել ինչպէս այդ մենք տեսնում ենք մահմետական աշխարհում, հայ օնախը միշտ մնացել է մի սրբութիւն, ուր հայ կիներ, համարեա համահաւասար իրաւունքներ է վայելել հայ մարդու հետ միասին:

Շնորհիւ այդ դուրքեան, հայ կիներ, երբ պայմանները ներել են, միշտ հնարաւորութիւն է ունեցել դուրս գալ ասպարէզ եւ լծուել հայ հանրային աշխատանքների հայ մարդու հետ միասին:

Հայ մշակութային ասպարէզում հայ կիներ, մանաւանդ անցեալ դարու երկրորդ կէսերից սկսած, բերել է իր անգնահատելի մասնակցութիւնը, զրական ասպարէզում հայ կիներ ունեցաւ եւ ունի իբր փայլուն ներկայացուցիչները, կրթական ասպարէզում գարմանալի մեծ է եղել նրա դերը, հայ տղամարդու

կողմին, գուցէ նրան համահաւասար կերպով, տարել է հայ մատաղ սերնդի դաստիարակութեան գործը:

Մեր ազատագրական պայքարի մէջ եւս հայ կիներ ունի իր պատուաւոր տեղը:

Դեռ եւս մեր շարժումների արշալոյսին հայ կիներ իր գոյութիւնը զգացնել էր տալիս: Ճիշդ է, սկզբնական շրջանում յաճախ նրա մասնակցութիւնը արտայայտւում էր գրութեան ասպարէզում, որը յատուկ էր իր սեռին, սակայն աստիճանաբար նա կլանեց եւ իրական յեղափոխական գործունէութեամբ: Նա քեւ ու քիկումն էր դարձաւ հայ տղամարդուն, նրա հետ միասին պայքարեց, գոհեց եւ գոհեց, կամաւոր կերպով կրեց բոլոր տեսակի գրկանքներ, տանջանքներ եւ դառնութիւններ:

Առանց ֆաշուէլու կարելի է ասել, որ եթէ հայ կնոջ մասնակցութիւնը չլինէր, շատ դէպքեր մեր հանրային կեանքի մէջ կամ չէին կատարւիլ եւ կամ անփառունակ վախճան կարող էին ունենալ:

1896 - 98 թուականներին ցարական կառավարութեան հրամանով փակեցին կովկասահայ բոլոր դըպրոցները, հայ լեզուն մոռացնել տալու համար հայ մանուկին: Հայ կիներ ոչ միայն իր եղբայրների հետ միասին պայքարեց այդ բռնութեան դէմ այլ եւ իր տունը դըպրոց դարձրեց եւ հայ մատաղ սերնդի սրտի ու հոգու մէջ վառ պահեց հայ լեզուն, այնպէս որ, փակւած մի քանի հարիւր դպրոցների տեղ, ստեղծուեցին տասնեակ հազար նոր դպրոցներ, որոնց դէմ անգօր էին պայքարելու կօգակները իրենց մտրակներով եւ ցարական ոստիկանութիւնը իր բազմատեսակ դաւերով...:

1903 թուականին ցարի կառավարութիւնը որոշեց գրաւել հայ եկեղեցական կալուածները, միաժամանակ դրամական նպաստներ սահմանելով հայ բարձր հոգեւորականութեան:

Համակերպելու նշաններ էին երեւում եւ ահա մի քանի տասնեակ հազար հայ կանայք, գլխաւորապէս էջմիածնի գաւառից, մի մարդու նման, եկան լցեցին էջմիածնի վանքի բակը եւ պահանջեցին, որ ծերունազարդ վեհափառը զգաստանայ եւ նրբեք չը գիջէ յարի կառավարութեան...: Եթէ իրենց դրամ է պէտք, իրենք պատրաստ են իրենց բոլոր զարդարանքները յանձնել կաթողիկոսին...:

1905 թուականին էր, երբ մեր հարեւան քաղաքները, քաղաքներու ժողովուրդը կառավարութեան դաւերով, ոտքի ելան եւ բնաջնջել էին ցանկանում կովկասահայութիւնը:

Հայ կիներ չուզեց մեռնալ թողնել հայ մարդուն: Եւ ասպարէզ ելաւ աջակցելու համար նրան:

Հայ կիներ ոչ միայն խնամում, խրախուսում էր հայ մարտիկներին այլ եւ օրերով, շաբաթներով անապարհ էր կտրում եւ գողնի միջոցներով զենք էր հասցնում նրանց, իրենց դիմադրութիւնը քաջաբար շարունակելու համար:

Տանկատանում ոչ մի քայլ ոչ մի աշխատանք չէր կարող կատարել հայ փեղային եւ յեղափոխական գործիչը, եթէ հայ կիներ իր կեանքի գնով յանձն չառնէր անսահման գոհաբերութիւն եւ տանջանք, պաշտպանելու համար յեղափոխականների կեանքը...:

Հարիւրաւոր են եղել այդպիսիները, որոնք լռիկ մնջիկ, անվախ եւ անտրտունջ պահել, պաշտպանել լսրնամել եւ անհուն գիշերներով հսկել են, որ մի չար աչք, մի չար ոտք ներս չը քափանցէ գործիչների քաղաքները. սուրհանդակների դեր են կատարել, զենքեր են փոխադրել եւ այդ բոլորը այնպիսի դժոխային պայմանների մէջ, երբ ամէն քայլափոխում կարող էին զոհ տալ իրենց եւ իրենց ամբողջ ընտանիքի կեանքը...:

Անշուշտ անհնար է վերականգնել բոլոր այն աշխատանքները, որոնք կատարել են հայ կանայք մեր յեղափոխական շարժումների ժամանակ: Ինչպէս հագարաւոր հայ մարդկանց աշխատանքները մնացել են անյայտ, այնպէս էլ բազմահարիւր կանայք են եղել, որոնց աշխատանքները պիտի մնան անյայտ, որովհետեւ մեր շարժումները կրել են զանգւածային բնոյթ եւ ամէն մէկը, ինչ որ հնարաւորութիւն է ունեցել, կատարել է:

Մեր այս աշխատանքի նպատակն է եղել տեւական յեղափոխական աշխատանքներ կատարող կանանց մասին եղած տեղեկութիւնները ամփոփել միատեղ, ցոյց տալու համար, թէ կանայք եւս իրենց կարեւոր բաժինն են ունեցել մեր շարժումների մէջ: Այս գործին մենք կարեւորութիւն ենք տալիս ոչ միայն պատմական այլ եւ դաստիարակչական տեսակէտից: Նոր սերնդի համար ճգեւորութեան աղբիւր եւ աշխատանքի ուղեցոյց պիտի լինի ինչ որ կատարել են մեր մայրերն ու բոյրերը...

Երկար փնտռումներ ենք կատարել, ցանկանալով բոլոր կարեւոր աշխատողների մասին մի երկու խօսք ասել, սակայն հաւանօքէն մնացել են շատերը անյայտ. որովհետեւ յեղափոխական գործում, շնորհիւ խիստ ցաղտնապահութեան, շատերի դէմքը, կեանքը եւ անունը անյայտ է մնացել: Յոյս ունենք, որ այս աշխատանքը խթան կարող է հանդիսանալ եւ դեռ եւս կենդանի մնացած ընկերները կը վերջիշեն եւ երեւան կը բերեն այդպիսիներին:

Ներկայ աշխատանքը նպատակաշարմար ենք համարել հասցնել մինչեւ ընդհանուր պատերազմ: Ընդհանուր պատերազմի ինչպէս եւ տարագրութեան ժամանակ տեղի ունեցած դէպքերը մեր այս նիւթից դուրս քողե-

ցինք. գուցէ յաջողւի մեզ մի առանձին հատոր ուիրել
սպագայում:

Ներկայ աշխատանքը կազմելու ժամանակ մենք օգ-
տւել ենք Հ. Յ. Գ. Կենտ. արշիւի որոշ նիւթերից,
Հայրենիք ամսագրում լոյս տեսած մեր ուսումնասի-
րութիւններից, Ռուբէնի եւ Ռուբէն Խան-Ագատեսի
յուշերից, *Յուսարեք*ում լոյս տեսած Սամսոնի յուշե-
րից: Բացի այդ նպաստել են մեր այս գործծին իրենց
սեղեկութիւններով Տիկիւններ Ռուբինա Օհանջանեան
եւ Գարդինէ Աղաբաբեան, ինչպէս նաեւ Պ. Պ. Լեւոն
Գեւորեանը, Ռ. Բէրբէրեանը, Եր. Յարութիւնեանը,
Մ. Բարխեանը, Մ. Մուրադեանը, Վահան Փափագեա-
նը, որոնց յայտնում ենք մեր շնորհակալութիւնները:

Զանազան պատմաոճներով նպատակադարձաբ հա-
մարեցինք այս նիւթը բաժանել երկու մասի. անցեալ
դարու ութ-սունական քաղաքների ինչպէս եւ Դաշնակ-
ցութեան սկզբնական շրջանի գործչուհիներին ամփո-
փեցինք առաջին մասի մէջ, իսկ երկրորդ մասի նիւթը
պէտք է լինի վասպուրականի, Տարօնի, Տրապիզոնի,
Կ. Պոլսոյ ինչպէս եւ Անդրկովկասի շրջաններում աշ-
խատող յեղափոխական կանանց մասին:

Դժբախտաբար հակառակ մեր ջանքերին մեզ չը
յաջողւեց ձեռք բերել բոլորի նկարները, ստիպւած
բաւականացանք եղածներով:

Ս. ԳԻՒԼԽԱՆԴԱՆԵԱՆ

ԱՌԱՋԻՆ ՀԱՅ ՅԵՂԱՓԱԽԱԿԱՆ ԿԻՆԸ

ԹԱՄԱՐԱ ԱԴԱՄԵԱՆ-ՆԵՐՍԷՍԵԱՆ

Անցեալ դարու եօթանասնական թւականներին Ռուսաստանում տեղի ունեցած յեղափոխական շարժումներին ալիքները հասել էին եւ Անդրկովկասի մայրաքաղաք Թիֆլիսը :

Նաքոդնայա Վոլեա (Ժողովրդական Կամք) կոչւած ռուսական, յեղափոխական կուսակցութիւնը, որ այդ ժամանակները գտնուում էր իր վերելքի շրջանի մէջ եւ տիրաբար ու միահեծան կերպով իշխում էր դրեթէ ամբողջ ռուսական երիտասարդ մտաւորականների մտքի վերայ, աչքաթող չէր արել եւ Անդրկովկասի շրջանը . այստեղ եւս յաճախ հանդիպում էին ռուս յեղափոխական գործիչները՝ իրենց խօսքով եւ վազտնի գրականութեամբ վարակելու համար Անդրկովկասի զգալուն երիտասարդ մտաւորականութեան :

Եօթանասնական թւականների վերջերին եւ ութսունական թւականների սկիզբները Անդրկովկասի բազմացեղ եւ բազմալեզու ժողովրդներից միայն հայերն ու վրացիներն էին, որ միջնակարգ եւ բարձրագոյն կրթութեամբ բաւական թւով երիտասարդներ ունէին, որոնցից շատերը մեծ հետաքրքրութեամբ եւ ոգեւորութեամբ վազտնի ժողովներում կլանում էին Ռուսաստանի մայրաքաղաքից ստացւած հակապետական գրական-

նութիւնը եւ յեղափոխական գործիչներէ ամէն մի խօս-
քը :

Այս բոլոր երկասարգները ըստ վկայութեան Քր. Միքայէլեանի *) զբաւուած էին միջազգային սոցիալ-
լիզմի խնկալով, զբանց համար անջատ ազգային քա-
ղաքական բնոյթ կրող հարցեր դոյութիւն չունէին :
Ռուսը, վրացին, հայը հողիով միացած էին մի աշխար-
հաքաղաքական գաղափարով, քնդունում էին մի նպա-
տակ եւ կռիւի մի միջոց ուստի ան ցարիղմը ոչնչացնելու
համար . որովհետեւ բոլոր ժողովրդների թշուառութեան
աղբիւրը համարում էին ցարական, կարգերի դոյութիւ-
նը :

1880 թւականին Թիֆլիսի մէջ այնքան էին բաղմա-
ցել այդ յեղափոխական գաղտնի խմբակները, որ «Ժո-
ղովրդական Կամք» կոչակցութեան ղեկավարներէից
մէկը, Պետերբուրգի ներկայացուցիչ Գօրոզեւը, անհը-
րաժեշտ համարեց Թիֆլիսի մէջ կազմել մի ղեկավար
մարմին վեց հոգուց բաղկացած, որոնցից երեքը հայեր
էին եւ Նրեքը վրացի : Հայերից մէկը օրիորդ Թամարա
Աղամեանն էր, որ այդ ժամանակ ուստի Թիֆլիսի
կան Գիմնազիայի (Լիցէ) վերջին դասարանի աշակեր-
տուհի էր, հետեւապէս հաղիւ 18-19 տարեկան լինէր :

Թամարային ժամանակակից Տիգրան Փիրումեա-
նը *) թէեւ մեծ ժլատութեամբ է խօսում Թամարայի
մասին, այնուամենայնիւ նրա տւած հակիրճ տեղեկու-
թիւններից պարզում են Թամարայի բնաւորութեան
խոշոր դեքերը . նա վերին աստիճանի կենսութիւն, շատ

*) Քր. Միքայէլեան՝ «Բեկորներ իմ յուշերից»,
Հայրենիք ամսագիր, օգոստոս, 1924 թ. :

*) Տես Տիգրան Փիրումեան, «Զորս տարի վանում»
յօդուածը Թիֆլիսի Հորիզոն, 1916 թ. :

Համակրելի, համարձակ, վճռական բնաւորութիւն ունէր, ուժեղ նախաձեռնութեամբ եւ վարակիչ եռանդով մի աղջիկ էր :

Թիֆլիսի այդ նորակազմ յեղափոխական մարմինը ոչ միայն պիտի ղեկավարէր դոյութիւն ունեցող զաղտնի խմբակները եւ աւելացնէր նրանց թիւը, այլ եւ կապ պիտի պահպանէր Պետերբուրգի եւ Մոսկւայի յեղափոխական կոմիտէի հետ, որ այն ժամանակները չափազանց դժւարին դործ էր համարւում : Պէտք է ստանար գաղտնի դրականութիւն եւ ցրէր այդ բոլորը խմբակներին եւ համակիր անձնաւորութիւններին մէջ իսկ անհրաժեշտ պարագաներում պէտք է թաղցնէր յեղափոխական դործիչներին, որոնց ցարական լրտեսները որսկան չներին նման փնտռում էին անդադար :

Այս մարմնի դործը աւելի եւս դժւարացաւ մանաւանդ 1881 թւականի մարտ ամսից յետոյ, երբ յեղափոխականների ուժերով ընկաւ Ալէքսանդր Բ. կայսրը եւ նորան փոխարինեց Ալէքսանդր Գ., որի արքանեակները մեծ դաժանութեամբ սկսեցին հալածել ոչ միայն իրական յեղափոխականներին, այլ եւ խեղդել ամէն մի ազատ խօսք, մտքի ամենափոքրիկ թռիչք :

Ահա այդպիսի մի ժամանակ էր, երբ Թամարան մեծ անձնապահութեամբ եւ նւիրումով տարաւ իր վերայ դրած բոլոր պարտականութիւնները, զոհ ձգելով եւ հիացմունք պատճառելով բոլոր իր ընկերներին եւ զաղափարակիցներին :

**

Նոյն այդ ժամանակները Թիֆլիսում բացառապէս հայերի շրջանում տեղի էին ունենում բոլորովին այլ բնոյթ կրող մտքերի խմորումներ եւ շարժումներ :

1877-78 թւականների ոռւս-տաճկական պատերազմի հետեւանք եղող Ս. Ստեփանոյի 16րդ եւ Բեռլինի

շաշնադրերի 61րդ յօդաձևները խորունկ ազդեցութիւն էին թողել հայ հասարակութեան վերայ: Նոր յոյսերի եւ նոր ակնկալութիւնների անսպառ ազդիւր էին հանդիսանում այդ յօդաձևները. հայ հրապարակախօսութիւնը սկսել էր շարժւել նոր թափով, Բաֆֆին, Գամառ Քաթիպան իրենց դրչով դերել էին հայ երիտասարդութեան միտքը, վերազարթել էր հայութիւնը եւ մեծ ոգեւորութեամբ հաւատում էր իր հայրենիքի ազատութեան: Հրապարակ էին ձկնել երիտասարդ դաշտաւարական նոր ուժեր, որոնք փորձում էին անցնել Տաճկահայաստան նւիրւելու համար հայ ժողովրդի ազատութեան գործին...

Բնական է, որ այդպիսի մի շարժում, որ դրաւել էր սկսել հայութեան միտքը եւ օրէցօր աւելի եւ աւելի ուժեղանում էր, պէտք է ազդէր արդէն ղոյութիւն ունեցող յեղափոխական խմբակների, մանաւանդ նրանց հայ անդամների վերայ, որքան էլ նրանք դրաւում լինէին միջազգային սոցիալիզմի իդեալներով եւ որքան էլ նրանք չը կամենային ղրաղւել անջատ ազգային քաղաքական խնդիրներով:

Այդպէս էլ եղաւ:

Քրիստափոր Միքայէլեանը, որ դեռ եւս Թիֆլիսի ուսուցչական ճեմարանի աշակերտ եղած ժամանակ ուսւական յեղափոխական խմբակների մէջ աշխատողներից էր, ութսունական թւականների սկիզբները ուսուցչական պաշտօնով անցել էր դաւառ: Գաւառում շիրւելով հայ ժողովրդի հետ եկել էր այն տխուր եղբայացութեան, որ դաւառներում ապրող եւ իրապէս կեղեքող հայութիւնը միանդամայն աչքաթող է արւած եւ օր ըստ օր է ծանրանում է դաւառի հայութեան ինչպէս եւ միւս ժողովրդների վիճակը, հետեւապէս Թիֆ-

լիսում գոյութիւն ունեցող յեղափոխական ղեկավար մարմինը չը պէտք է կէտնէ միայն միջադպային սոցիալիզմի ղաղավարներով՝ այլ պարտական է զբաղւելու նաեւ տեղական այժմէականութիւն ունեցող խնդիրներով: Այդ ուղղութեամբ Քրիստափորը առիթ է ունենում խօսելու Թիֆլիզի ղեկավար ընկերներին հետ:

Նոյն այդ ժամանակները Թիֆլիզում էր գտնուում Գալուստ Տէր Մկրտչեանը *), որը համակրելով հանդերձ Թիֆլիզի յեղափոխական խմբակի ղեկավար անդամների ղաղավարներին, այնուամենայնիւ նրանց ուղղութիւնն է հրաւիրում հայութեան մէջ գոյութիւն ունեցող նոր շարժումների վերայ, եւ առաջարկում է փոխել իրենց դորձելակերպը: Այսպիսով մի կողմից հայութեան մէջ ծայր տւած շարժումները, միւս կողմից Քրիստափոր Միքայէլեանի նամանաւանդ Գալուստ Տէր-Մկրտչեանի միջամտութիւնները ստիպում են հայ ղեկավարներին վերադնահատութեան ենթարկելու իրենց քաղաքական վարքագիծը: Թէեւ սկզբի շրջանում թէ՛ հայերը եւ թէ՛ վրացիները աննպատակալարմար էին գտնում իրենց ունեցած խառն խմբերը վերածելու անջատ անջատ ազգային խմբակցութիւնների, սակայն 1882 թւին այնքան է հասունանում այդ միտքը, որ թէ՛ հայերը եւ թէ՛ վրացիները անհրաժեշտ են համարում կառարել սոյդ անջատումը: Այդ որոշումից յետոյ բաժանում են Թիֆլիզի յեղափոխական խմբակները երկու

*) Գալուստ Տէր-Մկրտչեանը Էջմիածնի ձեմարանի սաներից էր. բարձրագոյն կրթութիւնն ստացել էր արտասահմանում. հետագային կուսակրօն դարձաւ եւ երկար տարիներ զբաղւել է Էջմիածնում հայ մատենագրութեան ուսումնասիրութեամբ. յայտնի էր «Միաբան» անունով:

աղբային՝ անջատ մասերի, բաժանուում են եւ ղեկավար մարմնի անդամները: Այսպիսով առաջին անգամ լինելով 1882 թւին Թիֆլիզում կազմուում է առաջին հայկական յեղափոխական մարմինը, որի մէջ է լինում եւ Թամարա Աղամեանը: Այդ մարմինը որոշում է «ամբողջովին նւիրել հայ ժողովրդի անպաշտպան շահերին», ինչպէս դրում է այդ մասին մարմնի անդամներէց մէկը Քրիստափոր Միքայէլեանին:

Այդ ղեկավար մարմինը, հրաւիրելով նոր ուժեր, նւիրում է ամբողջապէս հայ երիտասարդութեան յեղափոխական դաստիարակման, դործին:

Այժմ խմբակները մէջ պարապմունքները ընթանում են ոչ թէ առաջուայ նման ուսերէն լեզուով, այլ հայերէն: Հայ դրականութիւն, հայոց պատմութիւն, տաճկահայ դատ եւ առհասարակ հայ կեանքին վերաբերեալ խնդիրներն էին, որ արծարծւել սկսեցին նորակազմ խմբակները մէջ: Միաժամանակ անհրաժեշտ է համարւում բացի մտաւորականներից իջնել աւելի հասարակ դասի, մանաւանդ տաճկահայ երիտասարդ աշխատւորների մէջ, որոնց թիւը այդ ժամանակները բաւական խոշոր էր Թիֆլիզում,

Թիֆլիզի հեռու թաղերից մէկում Թամարայի ծընողները ունէին 7-8 սենեակից բաղկացած մի ընդարձակ տուն իր պարտեզով, որը տրամադրուել էր ճրիպէս մշեցի բանուորներին: Այդ տունը աստիճանաբար դարձաւ մի տեսակ կեդրոնատեղի բոլոր տարադիր տաճկահայերի համար, ուր համախմբւում էին թէ հին եւ թէ նոր Երկրէն եկած տաճկահայ երիտասարդներ:

Յեղափոխական դործիչները կանոնաւորապէս յաճախում էին այդ տունը եւ այդ տեղ համախմբուած բանուորներին տարրական գիտելիքներ տալուց դատ, դաստիարակում էին յեղափոխական ոգիով:

Այս խմբակներին անդամակցել են իրենց հերոսական դորձերով յայտնի Արարօն, Մարգար Վարժապետը, Վալդենեսցի, քաւոր Պետրոսը եւ ուրիշներ :

Նորակազմ խմբերին բաւարարելու համար ղեկավար մարմինը հրապարակ էր հանում զանազան խմորատիպ թուղթիկներ շուկրուած բացառապէս հայ դատին : Չը բաւականանալով դրանով՝ մարմինը հրատարակել սկսեց դարձեալ խմորատիպ «Մունետիկ» անունով մի թերթ, որին մասնակցում էր եւ Ա. Շիրվանդադէն իրբեւ լաւ հայերէն իմացող, որ այդ ժամանակ արդէն հայ մամուլի մէջ երեւան էր եկել եւ, իր սկսնակ դրադէտ, որոշ անուն ունէր :

Այս մարմնի անդամների առջեւ դրուած էր եւ մի նոր խնդիր. սրանք արդէն ղիտակցում էին, որ տաճկահայութեան ազատազրումը կարող է կատարուել միայն ղէնքի ուժով, որ բոլոր ղաղախարակաւն խմբակներին անդամները ինչպէս եւ ղեկավարները առանց բացառութեան պէտքէ անցնէին երկիր, մասնակից լինելու համար ապագայ յեղափոխական շարժումներին, հետեւապէս ամէնքն էլ պարտական էին լաւ ղինավարժ լինելու : Այդ էր պատճառը որ խմբական պարտումների հետ ղուղընթացարար խմբերի անդամներին սովորեցնում էին եւ ղինավարժութիւն :

Խմբերը, չը բաւականանալով բնակարանների մէջ կատարւած ղինավարժութեամբ, տօն օրերին ղուրս էին ղաւիս Թիֆլիզ քաղաքից ղուրս եւ, ղղուչաւոր էերպով համախմբւելով Մթամինդաւ կոչւած սարի մօտերքը, հեռու հետաքրքիր աչքերից եւ ոստիկանութիւնից, ղբաղւում էին ղինավարժութեամբ :

Թամարան թէեւ պատկանում էր քնքուչ սեռին, սակայն լաւ ղիտակցելով իր ապագայ դորձունէութեան համար ղինավարժութեան անհրաժեշտութիւնը, ո'չ

միայն քաջարար մասնակցում էր խմբական այդ ձեւի արչաւանքներին, այլ եւ առաջնակարգ զինավարժներին մէկն էր դարձել:

Այս մարմնի ջանքերով էր, որ 1883 թւին Տաճկահայաստան անցան Ալեքսանդր Պետրոսեանը (Սանդալ), Տիգրան Փիրումեանը, Հայկ Մելիք-Դադայեանը եւ Արսէն Թոխմախեանը:

1883 թւի աշնանը ղեկավար մարմնի համարեա բոլոր անդամները, որոնք կամ նոր էին աւարտել միջնակարգ դպրոցը եւ կամ համալսարանական ուսանող էին, որոշում են անցնել Մոսկիւն՝ իրենց ուսումը քարոճակելու համար Մոսկւայի համալսարանում: Թամարան եւս, որ աւարտել էր արդէն Գիմնազիան (լիցէյը), անբաւարար գտնելով յեղափոխական դործչի համար իր ստացած կրթութիւնը, որոշում է անցնել Մոսկւա եւ աշնտեղի համալսարանը աւարտելուց յետոյ՝ ամբողջապէս նւիրել իր սիրած յեղափոխական դործին:

Աւելորդ է ասել, որ թէ այն ժամանակները մեծ դժւարութիւններ կային կանանց համալսարան մտնելու համար, ուսւ կառավարութիւնը ոչ միայն չէր քաջալերում կանանց այդ շարժումը այլ եւ որոշ խոչընդոտներ էր յարուցանում, բացի այդ հայ իրականութեան մէջ միանգամայն անսովոր երեւոյթ էր, որ ազջիկը բաժանւէր իր հայրենական տնից եւ երթար ասլրելու հեռու քաղաքներում կրթութեան համար:

Այնուամենայնիւ Թամարան կարողանում է այդ բոլոր դժւարութիւնները եւ նախապաշարումները յաղթել, եւ 1883 թւի աշնանը գնում է Մոսկւա, ուր եւ մտնում է համալսարան:

Մօտաւորապէս այն ժամանակները, երբ Թիֆլիզում տեղի ունեցաւ հայկական յեղափոխական մարմնի կազմակերպութիւնը, նոյն այդ ժամանակները Մոսկւայի

Համալսարանական հայ ուսանողական շրջանում սկսել էր մի անսովոր եռուրեւ: Կովկասի զանազան քաղաքներից այնտեղ հաւաքւած հայ ուսանողները ոչ միայն նւիրւած էին զխօսութեան, այլ եւ պարտականութիւն էին համարում զբաղւելու ամբողջ հայութիւնը յուլող քաղաքական խնդիրներով:

Հակառակ Բեռլինի ճշրդ յօգւածին դոյութեան, Տաճկահայաստանում ոչ մի բարենորոգութիւն տեղի չէր ունենում, ընդհակառակը օրէցօր աւելանում էին բռնութիւնները, թաւանը եւ բարբարոսութիւնները, իսկ եւրոպական բոլոր այն պետութիւնները որ ստորագրել էին այդ յօգւածը միանգամայն անտարբեր կեցւածք ունէին եւ լռելեան կարծես քաջալերում էին տաճիկ կառավարութեան այդ տմարդի վարմունքը, իսկ հայ մտաւոր տարրը՝ պահպանողական թէ ազատամիտ, միակ միջոցը համարում էր յեղափոխութիւնը եւ գինեալ ապստամբութիւնը...

Ահա այդ ազդեցութեան տակ էր, որ Մոսկւայի զաղափարական հայ ուսանողութիւնը որոշում է կադմել «Հայրենասէրներ» Միութիւն» անունով մի ընկերութիւն, որը յատուկ պրոպականութիւնների միջոցով Ռուսաստանի, Անդրկովկասի եւ Տաճկահայաստանի երկրասարգ հայերին պիտի կազմակերպէր եւ պէտք է ունենար իր գաղտնի թերթը:

Եւ իրօք 1882 թւին սկսում է հրատարակւել առաջին հայ յեղափոխական թերթը «Ազատութեան Աւետարներ» անունով:

Ահա այս զաղափարական ուսանողական խմբակին սկսեց անդամակցել թամարան իր Մոսկւա դալուց անմիջապէս յետոյ եւ մասնակցեց նրանց բոլոր աշխատանքներին մի շարք տարիներ, աստիճանաբար կեդրոնական տեղ զբաւելով խմբակի մէջ:

քով որ Արարատեան դաշտի տաք կլիման կ'ոչնչացնի մանրէներին, բայց ի դուր, թոքախտը իր աւերումներն էր գործում :

Դաւիթը ստիպւած կտրուած է քաղաքական հասարակական կեանքից եւ անցնում է իր հայրենական օճախը, որ դառնում էր Բաղւի նահանգի Գէօքչայի գաւառի գիւղերից մէկում : Թամարան որ մեծ անձնագործութեամբ խնամում էր իր ամուսնուն, յոյս ունէր, որ գիւղական խաղաղ մթնոլորտում ապրելով պիտի կարողանայ փրկել նորա կեանքը, բայց ի դուր, 1888 թւականին մեռնում է Դաւիթը :

Թամարան, որ այնքան անձնւիրութեամբ խնամում էր իր ամուսնուն, վարակւում է թոքախտով ինքը եւս եւ յաջորդ 1889 թւականին մեռնում է, իր սիրելի ամուսնու մահից ուղիղ մի տարի յետոյ :

Ահա այսպիսի ախտը վախճան է ունենում յեղափոխական առաջին հայունքին :

Թամարայի կրտսեր քոյրն էր տիկին Ժէնիւս Քալանթարեանը, որ մեր արժէքաւոր ընկերներից էր, որի մասին մենք առիթ կ'ունենանք խօսելու :

Թամարայի երրորդ քոյրն էր հայ տաղանդաւոր գերասանուհի Ս. Աղամեանը, որ մեռաւ 1914 թ. :



1917 թւականն էր, Բաղւի հերոսամարտի չրջանը, երբ քաղաքը պաշարել էին տաճկական զօրամասերը :

Ռոստոմը, ըստ իր սովորութեան, խորհում էր զանազան ելեքորական միջոցների մասին եւ փնտռում էր մասնադէտ ելեքորադէտներ : Մի օր Հայոց Ազգային Պարհիւզի շէնքը նա բերեց մի երիտասարդ ելեքորապէտ, որ նոր էր վերադարձել Բելճիքայից : Իրեն յատուկ խնամքով եւ գուրգուրանքով Ռոստոմը վերաբերւում էր այդ երիտասարդ ինժինեւրին, որ վերին

աստիճանի համեստ եւ համակրելի անձնաւորութիւն էր :

Այդ պարոնը Թամարայի եւ Դաւիթի որդի Լեւոն Ներսիսեանն էր , որ մանուկ օրերից որբ մնալով , խնամ-
ւել եւ դաստիարակւել էր Թամարայի քոյրերի ջան-
քերով . . . :

ՆԱՏԱԼԻԱ ԱՄԻՐԻԱՆԵԱՆ-ՄՈՒՐԱԴԻԱՆԵԱՆ

Օրիորդ Նատալիա Ամիրխանեանը ծնւել էր 1863
Թւականին Երեւանում , սակայն կրթութիւն էր ստա-
ցել Թիֆլիզի ուստական օրիորդական գիմնազիա-
յում (լիցէյում) որովհետեւ ծնողները իրենց դու-
ծերի պատճառով Երեւանից տեղափոխւել էին Թիֆլիզ :
Նատալիան , ինչպէս իր ժամանակակից երիտասարդ-
ներից շատերը , շատ վաղ սկսեց հետաքրքրւել Թիֆլի-
զում գոյութիւն ունեցող «Ժողովրդական կամք» կոչ-
ուած ուստական յեղափոխական կուսակցութեան գոր-
ծերով եւ յաճախում էր նրանց զաղտնի ժողովներին ,
սակայն 1882 թւականին երբ տեղի ունեցաւ այդ զաղտ-
նի խմբակների աղգայնացումը եւ հայերը զատ յեղա-
փոխական խմբեր կազմեցին Նատալիան եւս Օրիորդ
Թամարա Աղամեանի ինչպէս եւ Օր . Քաթանեանի հետ
մտաւ հայկական խմբակի մէջ եւ աստիճանաբար ամ-
բողջապէս կլանուեց հայկական կեանքով եւ հայկական
յեղափոխական շարժումներով : Նա իր մասնակցու-
թիւնը բերել է այն ժամանակւայ բոլոր զաղտնի ձեռ-
նարկներին , որոնք տեղի էին ունենում Թիֆլիզում .
եւ երբ 1890 թւականին կազմակերպւեց Հ . Յ . Դաշ-



հակցութիւնը, Նատալիան առաջին օրիորդներէց էր, որ ոչ միայն մտաւ Դաշնակցութեան մէջ այլ եւ ամէն կերպ նպատակեց նրա զարգանալուն եւ ուժեղանալուն:

Այդ ժամանակներն էր ահա, որ Նատալիան իր կեանքը կապեց բժիշկ Մուրադխանեանի հետ... Երկտասարդ զոյգերը ժողովրդին աւելի օգտակար լինելու համար, որոշում են թողնել թիֆլիզի քաղաքային կեանքը եւ անցնել զաւառ, հաստատուելով վերջնականապէս Ղարաքիլիսայում:

Այսպիսով Նատալիան, զրկւելով լուսաւոր կենտրոնից, դառնում է զաւառական գործիչ: Մական ապրելով մի ալգոլիսի խուլ եւ յետամնաց վայրում, ինչպիսին Ղարաքիլիսան էր, նա երբեք իրեն մինակ կամ զժրախտ չզգաց, որովհետեւ կարողացաւ իր հետ կապել Ղարաքիլիսայի եւ շրջակայքի զգալուն հայ աարբերին եւ մղել նրանց զաղափարական աշխատանքների:

Նատալիան բոլոր ժամանակ անփոփոխ կերպով մնաց Հ. Յ. Դ. Ղարաքիլիսայի կոմիտէի անդամ, ստեղծեց եւ կազմակերպեց կանանց խմբեր եւ ալգոլորը կապեց այն ժամանակւայ Կարմիր Սաշերի հետ: Նատալիայի տունը եղաւ միշտ կենտրոն Ղարաքիլիսա աղաքատանոց կամ այնտեղից անցնող յեղափոխական եւ առհասարակ զաղափարական գործիչների համար... Այսպէս շարունակեց նորա կեանքի ընթացքը մինչեւ Հայաստանի Հանրապետութեան հաստատումը եւ անկումը, մինչեւ բողջեւիկների խռովումը Ղարաքիլիսա:

Հայ բողջեւիկները, որ հանդուրժել չէին կարող ոչ մի հեղինակութիւն, զժգոհութեամբ տեսան, որ Նատալիա Մուրադիանեանը Ղարաքիլիսայի մէջ դեռ եւս վայելում է որոշ ժողովրդականութիւն... Այդ հանգամանքը բաւական էր, որ բողջեւիկները անմիջապէս բանտ նետէին Նատալիային, մի յարմար առիքով հաշիւը մաքրելու համար...

Ապօրինի կերպով Հայաստանի տէր դառնալուց յետոյ հայ բողջեւիկները մի հրէշային որոշում էին տւել — ոչնչացնել անխնայ կերպով Հայաստանի բոլոր աչքի ընկնող դաշակցականներին...

Եւ 1921 թւից սկսած Հայաստանի բոլոր բանտերում կացնահար եւ զնդակահար ընկան բազմաթիւ

դաշնակցական դործիչներ... Որքան այդ դադանային սպանողը շարունակուամ էր ,այնքան տւելի էին կատա-
ղում հայ բոլջեւիկները...

Ղարաքիլիսա աւանի բոլջեւիկեան Ռեւիոմը (յեզա-
փոխական կոմիտէն) Նւս եռանդուն կերպով դործի էր
թւել...

Ղարաքիլիսայի փոքրիկ բանտը եւս լցւել էին Ղա-
րաքիլիսայից եւ շրջակայ գիւղերից բերւած դաշնակցա-
կաններով...

Ղարաքիլիսայի բանտարկեալները տեղեկութիւններ
ունէին այն սոսկալի ջարդերի մասին , որոնց զոհ էին զը-
նացել կամ զնոսմ էին Դաշնակցականները Հայաստանի
միւս բանտերի մէջ , գիտէին նոյնպէս թէ ինչպէս երի-
տասարդ դաշնակցական Արծաիկ Արովեանը փողոցի մէջ
էր զնդակահարւել , բանտը զնալ չկամենալուն հա-
մար...

Բանտի ճանապարհին նա կանգ առնելով կանչել էր
իր դահիճները վերայ .— Է՛յ , սրիկայ բոլջեւիկներ , ես
գիտեմ , որ դուք բանտի մէջ պիտի ինձ չարչարէի եւ յե-
տոյ մեռցնէի , ես համոզւած դաշնակցական եմ եւ պիտի
մնամ , զարկեցէի ինձ շնե՛ր... Եւ կանգնելով փողոցի
պատի տակ անխռով կերպով , առանց աչքերն իսկ թար-
թելու ընդունել էր մահը...

Այս բոլոր լուրերը Ղարաքիլիսայի բանտարկեալնե-
րի վերայ թէ ողբւոյրէց եւ թէ վհատեցուցիչ տպաւորու-
թիւն էին թողնում , սակայն բոլորն էլ խորապէս համոզ-
ւած էին , որ մօտալուտ է իրենց վախճանը...

Համարեա վաթսուն տարիքին հասած Նատալիան որ
բանտարկեալների մէջ հաւանորէն ամենից աւագն էր , եւ
միակ կինը , ոչ միայն իր կորովը չէր կորցրել այլ եւ
պահում էր իրեն բանտի մէջ ամենաարժանաւոր կեր-
պով , սիրտ տալով բոլոր յուսալքածներին , քաջութիւն

ներշնչելով թոյլերին... եւ երբ 1921 թ. փետրւարի 16ին
դահլճները մտանք բանտարկեալներ իսկը եւ սկսեցին
խողխողել բանտարկեալներին, դաշնակցական ուսմանդ
Գ. Կիրակոսեանը եւ Նատալիա Մուրադխանեանը՝ երի-
տասարդ եւ հին սերնդի երկու ներկայացուցիչները ըն-
կան միասին միեւնոյն դահլճի գնդակներէից մեծ սառ-
նասրտութեամբ եւ դաշնակցականի վայել կեցւածքով...

Նատալիան առաջին յեղափոխական կինն էր, որ գոհ
գնաց հայ բոլշեւիկների նողկալի ոնրին...

ՄԱՐԻՄ ՎԱՐԴԱՆԵԱՆ-ՆԱԶԱՐԲԷԿԵԱՆ (ՄԱՐՕ)

Օրիորդ Մարօն Թիֆլիզեցի էր, զաւակն էր Թիֆլի-
զի հարուստ վաճառական Յովհաննէս Վարդանեանի եւ
մօտաւորապէս ժամանակակից էր Օր. Թամարա Ադամ-
եանին. սակայն մեծացել եւ հասակ էր քնտել միանգա-
մայն տարբեր միջավայրում:

Մինչդեռ Թամարան կարողացել էր թօթափել իրե-
նից ուսնական ազդեցութիւնը եւ ամբողջապէս կլանւել
էր հայկական կեանքով, Մարօն, ընդհակառակը, խորա-
պէս ենթակայ էր ուսնական ազդեցութեան եւ մնաց
այդպէս մինչեւ Թիֆլիզից հեռանալը:

1884 թւականին էր, երբ Մարօն աւարտելով Թիֆլի-
զի կանանց դիմնադրան (լիցէյը) իր եղբօր հետ անցաւ
Պետերբուրգ իր կրթութիւնը շարունակելու համար
ուսնական համալսարանում:

Առիթ ունեցանք արդէն խօսելու, որ այն ժամա-
նակները ցարական կառավարութիւնը ոչ միայն չէր քա-
ջալերում կանանց բարձրագոյն կրթութիւն ստանալը
այլ եւ որոշ խոչընդոտներ էր յարուցանում: Պէտք է նե-
թադրել, որ այդ պատճառով Մարօն անկարող լինելով



մնալու ուսումական մայրաքաղաքում, բաժանում է իր եղբորից, անցնում է փարիզ եւ մտնում է փարիզի համալսարանը :

Թէպէտ Ռ. Խան-Աղատը, որ ծանօթ էր Մարօի հետ 1886 թւականից սկսած, Մարօի փարիզում ուսանելու գրգապատճառը բացատրում է նորանով, որ Մարօն իբր թէ Պետերբուրգի մէջ մասնակից է եղել Ռուս յեղափոխականների աշխատանքներին, եւ կասկածւելով, որոշել է հեռանալ Պետերբուրգից, սուս ոտակաւութեան ձեռքը չընկնելու համար : (*)

(*) Տես «Հայրենիք» ամսագիր 1927 թ. № 8 Ռ. Խան-Աղատի Յուշերը :

Թէ Մարօն եւ Թէ իր եղբայրը ընտրել էին թշկական ճիւղը, զուցէ ապագայում միասին աշխատակցելու համար, սակայն միանգամայն տարբեր ուղղութեամբ ընթացաւ զրանց կեանքը:

Երիտասարդ Վարդանեանը, փայլուն կերպով աւարտելով ուստական թշկական համալսարանը, ամբողջապէս անձնատուր եղաւ գիտութեան: Եւ հակառակ նորա, որ ցարական կառավարութիւնը խիստ կերպով հալածում էր ոչ ուս տարրերին, մանաւանդ հայերին, եւ Թոյլ Հէր տալիս, որ մինչեւ իսկ գիտական ասպարէզում ոչ ուսնները յառաջադիմեն, այնուամենայնիւ երիտասարդ Վարդանեանը, հաւանօրէն իր արտակարգ կարողութիւնները շնորհիւ, կարողանում է յաղթահարել բոլոր տեսակի խոչընդոտները եւ վերջիվերջոյ դառնում է Պետերբուրգի թշկական համալսարանի կարեւոր պրոֆեսորներէից մէկը: Այդ ասպարէզում նա մնաց մինչեւ վերջը, բարեխիղճ գիտնականի պէս կատարելով իր բարձր պաշտօնը: Մարօն ընդհակառակը շատ շուտով ձգեց թշկական ուսումը եւ նւիրեց ամբողջապէս յաւիտիսական գործին...

Վառվռուն ու կենսուրախ այդ օրիորդը Հէր կարող աննկատելի մնալ այն ժամանակները Փարիզի համալսարանը յաճախող սակաւաթիւ հայ ուսանողները աչքից: Այդտեղ էր, որ առաջին անգամ միմիանց հետ հանդիպեցին բանաստեղծական արտաքինով, վայելչակազմ ուսանող Աւետիս Նազարբէկեանը եւ զրաւիչ ու սեւաչեւայ Մարօն: Այդ ճանօթութիւնը ժամանակի ընթացքում մտերմութեան յոխեց: Աւետիս Նազարբէկեանն էր, որ այդ ուսասիրօս, ամբողջապէս ուստական ազգեցութեան տակ դռնաձ օրիորդի մէջ զարթեցրեց ազգային գիտակցութիւնը, յովորեցրեց նրան հայերէն կանոնաւորապէս

խօսել, զրեւ եւ կարգաւ :

Մարօն դեռ եւս Թիֆլիզում եղած ժամանակ մասնակցում էր Նարեղնայա վօլեա (Ժողովրդական կամք) կոչւած ուստական յեղափոխական կուսակցութեան խմբական ժողովներին եւ ամբողջապէս կլանւած էր նրանց զազաւարներով . . . :

Այդ զազաւարներով նա եկել հասել էր Փարիզ, յուսալով որ մի օր պիտի կարողանայ կեանքի մէջ իր նպատակները իրականացնել : Աւետիս Նաղարբէկեանը եղաւ ա՜յն անձը, որ շատ շուտով ըմբռնեց յեղափոխական խառնւածքով այդ երիտասարդ օրիորդի բնական հակումները եւ կարողացաւ նորա ամբողջ համակրանքը ուղղել դէպի հայ ազատագրական զազաւարները . . .

Այսպիսով շնորհիւ Ա. Նաղարբէկեանի Զանգերէն Մարօն ոչ միայն հայացաւ այլ եւ կլանեց հայ ազատագրական սլայքարով եւ մնաց այդպիսին մինչեւ իր կեանքի վերջը :

Սակայն աւելորդ չենք համարում յայտնել, որ Օրիորդ Մ. Վարդանեանը եւս իր հերթին կարողացաւ ազդել Աւետիս Նաղարբէկեանի վերայ եւ նորա մէջ հետաքրքրութիւն դարձեցրեց դէպի ուստական յեղափոխական շարժումները ինչպէս եւ դէպի միջազգային սոցիալիզմը :

Աւետիս Նաղարբէկեանը, որ քիչ ծանօթ էր կամ դուցէ միանգամայն անծանօթ էր այդ հարցերին, Օր. Մարօի ազդեցութեան շնորհիւ էր, որ կլանեց այդ խնդիրներով եւ սկսեց ուսումնասիրել ժամանակակից յեղափոխական եւ սոցիալիստական գրականութիւնը, մտերմական կապեր սկսեց հաստատել Փարիզում եւ Շւէյցարիայում ուսն յեղափոխական տարագիրներէ հետ, որոնցից ոմանք մեծ ազդեցութիւն ունեցան Նաղարբէկեանի յեղափոխական ըմբռնումներէ վրայ :

Ինչպէս պէտք էր սպասել վերջ ի վերջոյ այս երկու երիտասարդ զոյգերի փոխադարձ համակրանքը վերջացաւ նորանով, որ սրանք սիրահարեցին միմիանց վերայ եւ 1886 թւականին ամուսնացան :

**

1885-86 թւականներին արտասահմանի դանդաղ համալսարաններում սովորող մի քանի գաղափարական հայ ուսանողների շրջանում աստիճանաբար սկսում էր հաստեանալ այն միտքը, թէ եւրոպական գիււանդիտութեան վերայ ազդելու եւ տաճկահայութեան փրկութեան համար անհրաժեշտ է ստեղծել մի կուռ յեղափոխական կուսակցութիւն: Այդ նպատակի համար նրանք նախ փորձում են կենտրոն դարձնել «Արմենիա» թերթը, որ 1885 թւականից սկսած արդէն լոյս էր տեսնում Մարսելում, սակայն «Արմենիայ»ի խմբագիր Մ. Փորթուղականի հետ անկարող լինելով որոշ համաձայնութեան գալու, որոշում են «Արմենիայ»ից անջատ կազմել այդ յեղափոխական կուսակցութիւնը...

Եւ իրօք 1886 թւականին Ժընևի մէջ համախմբւած 6 ուսանողներ, իրենց համարելով հիմնադիր անդամներ ապագայ կազմելիք յեղափոխական կուսակցութեան, ընտրում են 3 հոգուց բաղկացած մի յանձնաժողով մշակելու համար ապագայ յեղափոխական կուսակցութեան ծրագիրը: Յանձնաժողովը յաջողութեամբ վերջացնում է իր աշխատանքները, մշակած ծրագիրը ներկայացնում է մնացած ընկերների հաւանութեան, ծրագիրը ընդունւելուց յետոյ յեղափոխական կուսակցութիւնը կազմւած է համարւում ու այդ մասին յայտարարւում է հանրութեան մի թուուցիկ կոչով: Այս յեղափոխական կուսակցութիւնը իր հրատարակած «Հնչակ» թերթի անունով կոչւեց Հնչակեան կուսակցութիւն:

Թէ հիմնադիր անդամների եւ թէ ծրագիր մշակող

յանձնաժողովի մէջ կար եւ Մարօ Վարդանեանը :

Մարօն լինելով միակ օրիորդը այդ խմբակի մէջ, քաղաքալարութեան համար չէր, որ նրան ընտրել էին կուսակցական ծրագիր մշակող յանձնաժողովի մէջ, այլ ինչպէս վկայում է հիմնադիր անդամներից մէկը Ռուբէն Խան-Աղաթը «Թէ Օրիորդ Մարօն եւ թէ Ա. Նաղարբէկեանը միւսներին (հիմնադիր անդամներից) շատ աւելի ընդարձակ ծանօթութիւն ունէին ուս եւ Փրանսիական յեղափոխական մամուլի մասին եւ առհասարակ աւելի շատ էին կարգադրած» :

Անշուշտ խնդիրը այստեղ չի վերաբերում այն հարցին, թէ որքան համապատասխան էր այդ ծրագրերը հայ ժողովրդի այն ժամանակեայ պահանջներին, այլ այն, որ Մարօն իրեւ մտաւորական ուժ եւս յետ չէր մնացած իր այն ժամանակեայ ընկերակիցներից : Դրանով պիտի բացատրել, որ Մարօն ոչ միայն հանդիսացաւ Հնչակեան կուսակցութեան հիմնադիրներից մէկը այլ եւ բաւական երկար ժամանակ մնաց Հնչակեանների կենտրոնական մարմնի մէջ եւ մէկն էր նրա զօրծուեալ անդամներից :

Այդ ձեւով 1886 թւին Հնչակեան կուսակցութիւնը կազմւելուց յետոյ, Նաղարբէկեանները, որ արդէն ամուսնացել էին, որոշում են թողնել Փարիզի համալսարանի իրենց աշխատանքները եւ փոխադրւել Ժընև յուսալով, որ Ժընևի համալսարանում պիտի կարողանան չարունակել իրենց ուսումը, սակայն շատ շուտով այդ զոյգի վերայ ծանրացան նորակազմ կուսակցութեան կենտրոնի ինչպէս եւ պաշտօնական օրդանի «Հնչակ»ի ամբողջ զօրծերը : Այսպիսի սրայմաններում, բնական է, որ Նաղարբէկեանները անկարող պիտի լինէին կլանւել համալսարանական աշխատանքներով, ուստի ստիպւած եղան լքել այդ բոլորը եւ անձնատուր լինել նոր գործին :

Շատ շուտով Նաղարբէկեանները ժընեւի բնակարանը դառնում է հայ եւ օտար դադախարական ուսանողների եւ տարազիրների կենտրոնը, ուր յաճախ հանդիպում էին նոքա եւ զանազան աշուղ խնդիրների շուրջ երկար ժամերով վիճարանում միմեանց հետ: Այդ բնակարանում 1887 թւից սկսած ոչ միայն խմբադրւում էր կուսակցութեան պաշտօնական օրդան «Հնչակ»ը, որը բացառապէս ծանրացած էր Ա. Նաղարբէկեանի վերայ, այլ եւ այդ բնակարանումն էր դադոնի կերպով թերթը շարւում եւ այդտեղից շարւածքը տպարան տարւում:

Նաղարբէկեանները բնակարանում էր, որ որոշեց մերժել այն համաձայնագիրը, որը կնքել էին «Հնչակ»ի ներկայացուցիչները Թիֆլիզում նորակազմ Հայ Յեղափոխականների Դաշնակցութեան հետ:

Ինչպէս յայտնի է Հայ Յեղափոխականների Դաշնակցութեան կազմակերպութեան սկզբնական շրջանում նորա հիմնադիրները նպատակ ունենալով ի մի համախմբելու բոլոր հայ յեղափոխական ուժերը, հրաւիրել էին եւ «Հնչակ»ի ներկայացուցիչներին:

Թէպէտ «Հնչակ»ի ներկայացուցիչները համաձայնեւել էին մտնելու ամբողջապէս Դաշնակցութեան մէջ, սակայն ժընեւի բնիկները մի քանի ամսից յետոյ հրաժարեցին, որոշեցին անջատ դործել եւ այդ մասին պաշտօնական յայտարարութիւն տպեցին «Հնչակ»ի 1891 թւի մայիսի համարի մէջ:



Անցեալ դարու իննսունական թւականների սկիզբները ոչ միայն տաճկական բանտերում բազմաթիւ հայ բանտարկեալներ կային այլ եւ դրանցից կարեւորագոյն համարւածներին ուղարկել էին Աքիւսի պատմական բանտը, որը թէպէտ Սուլթան Մէճիթի յատուկ կարգադրութիւնով փակւած էր, սակայն Ասդուլ-Հա-

միտը ամհարժեշտ էր համարել այնտեղ համախմբել հայ կարեւոր թիապարաներին :

1894 թվականին այնտեղ կային արդէն 53 բանտարկեալներ Մշի, Վանի, Սեբաստիոյ, Կ. Պոլսոյ եւ այլ շրջաններէից, կային դրանց մէջ վարդապետներ, քահանաներ եւ մի քանի Հնչակեաններ, ինչպէս Պետրոս Մարիմեանը (Տրապիզոնցի), Յարութիւն Ճանկիւլեանը (Վանեցի), Գրիգոր Գլճեան (Տիւրքիցի), ուսանող Պոլսոյ իրաւարանական վարժարանի, ժամադորժ Յակոբ (Կեսարացի) : Այնտեղ էր եւ յեղափոխական զործիչ Պետրոս Տօնապետեան (Վաղարշապատցի) : (*)

Հնչակի կենտրոնը ցանկանալով քաջալերական խօսք ասելու տաժանելի պայմաններէ մէջ ապրող բանտարկեալներին, գուցէ եւ ոմանց փախցնելու հնարը մտածելու համար, Աքիա է մեկնում Տիկին Մարօն :

Սակայն հեշտ զործ չէր այն ժամանակեայ դժոխային պայմաններում դնալ հոսնել մինչեւ Աքիա...

Տիկին Մարօն, որ ըստ վկայութեան իր ընկերակիցների, վերին աստիճանի յանդուգն ու անվախ անձնաւորութիւն էր. կարողանում է մեծ յաջողութեամբ այդ ծանր եւ տաժանելի պարտականութիւնը կատարել :

Մարօն իրբեւ Երուսաղէմի ուխտաւոր դնում է նախ Երուսաղէմ, ապա անցնում է Դամասկոս, ուր այդ ժամանակները ուստական հիւպատոս էր հայազգի Կամսարականը : Մարօն յաջողում է Կամսարականից վերցնել մի յանձնարարական Աքիայի նահանգապետի վերայ որ իրր թէ Մարօն Պետրոս Մարիմեանի քոյրն է :

Այդ յանձնարարականով Մարօն յաջողում է ոչ

(*) Այս տեղեկութիւնները քաղւած են Երւանդ Պոյաճեանի յուշերից, որը նոյնպէս Աֆիայի ափսրական էր. տես դիւան Է. Յ. Դ. քղբածրար 1718 :

միայն դալ հասնել Աքիա ալլ եւ կարողանում է մի քանի անգամ մտնել բանտը եւ տեսակցել համարեա բոլոր բանտարկեալներին հետ : Պարզ է որ աշխարհից կտրւած , յուսահատ եւ ծանր վիճակի մէջ դտնւած բանտարկեալներին համար մեծ մխիթարութիւն էր Մարօի երեւալը , նորա քաջաւերական սրտապնդիչ խօսքերը եւ հետը բերած դրամական նուէրները . . .

Այդ բոլորի հետ միասին Մարօի ուսումնասիրութիւնները յանդում են այն նկրակացութեան , որ կաշառքով կամ ալլ միջոցներով անհնար է Աքիայի բանտից որ եւէ մէկին փախցնելը , եւ այդ պատճառով թողնւում է այդ ծրագիրը :

Ինչպէս յայտնում է Ռ . Բերբերեանը , տաճկական կառավարութիւնը այնուամենայնիւ կասկածելով բանտարկում է Տիկին Մարօին իրրեւ յեղափոխական դործիչի եւ մեծ ջանքեր են պէտք լինում թափել անգլիական հիւպատոսի միջոցով մինչեւ որ կարելի է լինում նրան ազատել տաճկական բանտից :

1896 թւականն էր . . . Երկրի մէջ տեղի ունեցած ջարդերը , հայկական հարցի ձախող ընթացքը եւ Մայիսեան ծրագրի անսպասելի փախճանը , բնականաբար հայու թեան մէջ պիտի ստեղծէին մի անյոյս եւ վհատեցուցիչ վիճակ . . . Դժբախտաբար հայ զանդւածների այդ յուսահատ հոգեբանութիւնը վարակում էր եւ յեղափոխական տարրերին : Հնչակեան կուսակցութիւնը թէպէտ արդէն դոյութիւն ունէր մօտ տասը տարի այնուամենայնիւ դեռ եւս չափազանց թոյլ եւ խախտւած էր նորա կազմակերպական մեքենան , կուսակցական խիստ տիպիպլինան միանգամայն պակասում էր : Շնորհիւ այդ դրութեան կուսակցութեան ծոցի մէջ երեւան եկած դժ-

դոհուլթիւնները աւելի եւս զարգացան: Լոնդոնի մէջ կայացած կուսակցական համագումարի ժամանակ, որի ընթացքին տեղի ունեցան մեծ աղմուկներ եւ ծեծկրքատուքներ... Կուսակցութիւնը պառակտւեց եւ բաժանւեց երկու անհաշտ եւ թշնամի խմբակցութիւնների, որոնցից իւրաքանչիւրը իրեն Հնչակեան կուսակցութեան հարադատ ժառանգորդ համարելով, հրատարակում էր իր սլաշտօնական օրվանը «Հնչակ» անունով: Այդ երկու Հնչակները, որոնք արտաքինով միանդամայն միմիանց նման էին, սակայն բովանդակութեամբ հակառնեալ եւ տարբեր ուղղութիւն ունէին եւ միմիանց հանդէպ ամենաանհանդուրժելի դիրք էին բռնել եւ որ գլխաւորն է, չէին մոռանում միմիանց վերաբերմամբ ամենաանվայել հայհոյանքներ դործածել եւ վարկարկումներ կատարել: Պէտք եղաւ դիմել մինչեւ իսկ անդլիական դատաբանին, այդ ամօթարեր ներքին վէճը հարթելու համար: Դատարանի որոշմամբ «Հնչակը» մնաց մի խմբակցութեան, որ շարունակեց իրեն Հնչակեան անուանել. սակայն միւս խմբակցութիւնը «Վերակազմեալ Հնչակեան» անունով դուրս եկաւ հրապարակ: Այնուամենայնիւ դժբանքով հարցը չը լուծւեց, ընդհակառակը, աւելի ծանր բնաւորութիւն սկսեց ստանալ: Նպատակադրմամբ ենք համարում այդ մասին խօսք տալ Հնչակի հիմնադիրներից Ռուբէն Խան-Ալլատին: Ահա թէ ի՞նչ էր գրում նա «Հայրենիք» ամսագրի 1929ի փետրւար համարի մէջ. — «Պայքարը Հնչակեանների եւ Վերակազմեալների միջեւ՝ մամուլի մէջ արտայայտւած խօսքերով չէր սահմանափակուում: Բանակալուր յաճախ խմբագրութիւններից տեղափոխուում էր դասախօսութիւնների սրահները եւ կամ նոյն իսկ փողոցները, որտեղ տուր ու դմբոցի էր փոխուում: Կրֆերը մի ժամանակ այն աստիճան տափաւան, որ այդ հատւածները սկսեցին միմեանց դէմ տե-

ուրներ կատարել: Ամերիկայում սպանման փորձ կատարւեց (Հնչակեան) Սապահ-Գիւլեանի դէմ, Օդեսայում, Հնչակի կենտրոնի հրահանգով, խողովորուեց վերակազմեալ Գաբեգին Զիք-չեանը: Զիք-չեանի սպանութիւնից կատաղած վերակազմեալները տեռորիստներ են ուղարկում Լոնդոն, ուր մէկ օրուայ մէջ երեք Հնչակեանների գետին են գլորում: Այդ Հնչակեաններն էին՝ Բազւեցի Սագունին, Համրը եւ մի երրորդը, որի անունը չեմ յիշում: Այս երեք գոհերով չը բաւականանալով, վերակազմեալները տեռորիստներ են ուղարկում Շւեցարիա, սպանելու համար նաեւ Աւ. Նազարբէկեանին: Նազարբէկը քեւեւ վաղուց էր քաշւել գործերից եւ ոչ մի բանի չէր մասնակցում, բայց նրա դէմ, ինչպէս երեւում է, վերակազմեալները հին վրէժ ունէին, որ չէր քոյլ տւել «Հնչակ»ը նրանց ձեռքն անցնելու»:

Ահաբեկիչը Շվեյցարիայում դառնում է Նազարբէկեանի հետքը եւ անաղմուկ կերպով դործը վերջացնելու համար դաշոյնով է կամենում սպանել Նազարբէկին ու մի յարմար Ժամանակ, յարձակւում է նորա վերայ, վիրաւորում է թիկունքից եւ ուսից, ապա փախչում անյայտանում է. վէրքերը թեթեւ էին եւ Նազարբէկը առողջանում է:

Այսպիսով ուրեմն Հնչակեան յեղափոխական, կուսակցութիւնը, որի հիմքը դրւել էր 1886 թւականին, տասը տարուց յետոյ ոչ միայն հեռացաւ իր քաղաքական գործունէութիւնից այլ եւ ներքին երկպառակութիւնների շնորհիւ այդպիսի այլանդակ կերպարանք ունեց ստանալ...

Ճիշդ է այնուհետեւ կուսակցական զանազան սըրտցաւ տարրեր փորձեցին վերակենդանացնել այդ կուսակցութիւնը, սակայն անհնար եղաւ: Կուսակցութեան ողնաշարը ծանրապէս ջախջախուել էր...

Կարելի է ասել Հնչակեան, Կուսակցութիւնը քաղաքականապէս մեռաւ 1896-98 թվականներին . . . :

Տիկին Մարօին Ռուբէն Խան-Աղատը եւ Ռ. Բերբերեանը իրենց յուշերի մէջ ներկայացնում են իրրեւ մի անվախ եւ կամֆի տէր բայց միաժամանակ վերին աստիճանի փառաւէր եւ քոնակալ անձնաւորութիւն եւ Հնչակեան Կուսակցութեան մէջ տեղի ունեցած զանազան անյաջողութիւնները յաճախ, մանաւանդ Ռուբէն Խան-Աղատը, վերադրում է Մարօին, աշխատելով իր պաշտպանութեան, տակ ասնել Աւ. Նազարբէկեանին : Սակայն փաստերի բնթացքը բոլորովին այլ կերպ ենցոյց տալիս . . .

Տիկին Մարօն իրեն խառնուածքով յեղափոխական էր եւ յիշեցնում էր անցեալ դարու վաթսուեանական թրւականներն ուստ յեղափոխականներին, որոնք արտասահմանում Նիհիլիստ անունով էին յայտնի եւ որոնց համար կեանքը բոլորովին այլ արժէք էր ներկայացնում : Այդ խառնուածքով եւ ձգտումներով կիներ իր կեանքը կապում է իրեն միանգամայն հակոտնեայ՝ մեղմ, քաղցրաբարոյ, բանաստեղծական ձգտումներով եւ իրապէս բանաստեղծ Աւետիս Նազարբէկեանի հետ : Բախտի մի տարօրինակ քմահաճոյքով դրանց վիճակում է դեկալար հանդիսանալ մի յեղափոխական Կուսակցութեան . . .

Մարոյի ամբողջ ձգտումն էր իր ամուսնուն դարձրնել հայ հասարակական կեանքի ամենահեղինակաւոր դէմքը, այդ պատճառով նա ոչ միայն ստիպում էր իր ամուսնուն անդադար աշխատել եւ ուսումնասիրել հասարակական շարժումների էութիւնը եւ բնոյթը, այլ եւ ներշնչում էր նորան, որ ինքն է միակ դեկալարը հայ հասարակական կեանքի . . . Եւ Նազարբէկեանը լծւած

Հայ յեղափոխութեան կառքին վաղում էր հեւ ի հեւ...

Այդ երկու անձնաւորութիւնները, որոնք իրապէս սիրում եւ զնահատում էին միմիանց, հաւասարապէս սպեւորւած էին միմեանց զազաւարձով եւ, շուշէ, թէ ուրիշների եւ թէ իրենց համար միասնական անկաստելի կերպով միմիանց լրացնում էին, ցուցադրելով մի կամք եւ մի ղեկավարութիւն...

Գործը զեռ եւս նոր եւ սաղմնային արմատն մէջ էր, աշխատանքի էին լծւած զազաւարձապէս մարդեր եւ իտա-սարդներ, որոնք բոլորն էլ ընդունում էին Նազարէկեանների հեղիակութիւնը, մանաւանդ մտաւոր ասպարէզում: Սակայն սպեւորութեան եւ յարգութեան շրջանին յաջորդեցին տարակուսանքները եւ անյաջողութիւնները, կուսակցութեան մէջ սպրդեցին անբաղձալի տարրեր, կուսակցութիւնը թէեւ մեծացաւ իր ծաւալով՝ բայց իր ներքին ուժով փոքրացաւ եւ սայթաքել սկսեց իր բարձրութիւնից: Այն ժամանակ, երբ անհրաժեշտ էր աւելի մեծ կամք եւ կարողութիւն ցուցադրել Նազարէկեանները անկարող եղան այդ անել, որովհետեւ ինչպէս գրում է Ռուբէն Բերբերեանը («Վէճ» հանդէս ԻԳ. 1938 թ.) «Հայկական յեղափոխութիւնը պահանջում էր իր ղեկավարներից գերբնական կամքի ուժ, մինչեւ երկու զլխաւոր յեղափոխական ուժերից մէկը՝ Մարօն, թէպէտ օժտւած էր կամքի ուժով, բայց խուժանաւար էր իր հոլթեամբ, իսկ միւս ուժը զուտ մտաւորական էր բայց թոյլ եւ երբեք ունի կամքով, ամբողջապէս հիպոտոս-ցած իր կնոջ կամքով»:

Նազարէկեան ամուսինները, որ մինչեւ 1896 թր-ւականը Հնչակեան կենտրոնի ղուլէ միակ անխփփ ղեկավարներն էին, բնական է, որ 1896 թւականի եւ աշուհետեւ եղած ներքին երկպառակութիւնների ժա-

մանակ ամենամեծ հարւածը սրանք պիտի ստանային :

Այդպէս էլ եղաւ :

Սրանք էին, որ պայքարում էին դժուհ տարրերի դէմ, սրանք էին, որ անջատումը տեղի ունենալուց յետոյ մնացին Հնչակի պարագլուխները... Սակայն դժբախտութիւնը այն էր, որ Հնչակեան այս մնացորդ խմբակը նոյնպէս սկսեց պառակտւել ինքն իր մէջ եւ Նազարբէկեանները յոյնած այս բոլոր ներքին վէճերից, 1898 թւականին հեռացան ընդմիշտ Հնչակի կենտրոնի գործերից եւ փոխադրւեցին Շէշգարիա :

Գուցէ այստեղ գործից հեռու վայրում, նրանք առաջին անգամ զգացին, թէ ինչպէս ընդհանուր գործը չճանալուց յետոյ, պակասեց դէպի միմիանց ունեցած սէրն ու յարգանքը եւս...

Աւետիս Նազարբէկեանը, իբրեւ յեղափոխական կուսակցութեան կարեւոր ղեկավար, առանձնութեան մէջ, բնականաբար, պիտի ձգտէր վերականգնել իր ուժերը եւ հոգեպէս թարմացած պիտի աշխատէր իջնել նորից յեղափոխական, կեանքի ասպարէզ, սակայն, ընդհակառակը, նա կարծես աղատադրւեց իր կնոջ աղղկ-ցութիւնից եւ միանգամայն մոռացաւ այն մեծ յեղափոխական դադափարական գործը որին լծւած էր ինքը մօտ տասը տարի... Կարծես զարթեց նորա մէջ նախկին քաղքենի բանաստեղծը եւ նա անձնատուր եղաւ իր անձնական զգացումներին...

Շէշգարիայում հանդիպելով իր մօտիկ ազգական օրիորդներից մէկի հետ եւ, մոռանալով միանգամայն այն ծանր դրութիւնը, որի մէջ ապրում էր իր իսկ ձեռքով ստեղծած կուսակցութիւնը, սիրահարւեց այդ օրիորդի վերայ եւ վատարար լքելով իր կնոջը՝ Մարօին երկու փոքրիկ երեխաների հետ, վախաւ Շէշգարիայից իր նոր սէրը վայելելու...

Բնական է, որ Հնչակեան կուսակցութեան ներքին պառակտման վերայ այս անսպասելի փաստը եւս եկաւ աւելի հրահրելու դժգոհութիւնը եւ պառակտումը, մինչդեռ եթէ Հնչակի ղեկավարութեան մէջ իրենց բարձրութեան վերայ դռնաձ լինէին ոչ Նաղարբէկեանի պէս անկամք եւ քոյլ անձնաւորութիւններ, այլ, աւելի ճիշդը, Մարօի ըմբռնումների եւ կամքի ու խառնուածքի տէր մարդիկ, դուքէ Հնչակեան կուսակցութիւնը փրկէր քայքայումից եւ ապաղաչում այն ոճրա-դործութիւնները տեղի չունենային կուսակցութեան ծոցում, որի մասին առիթ ունեցանք խօսելու...

1905 թւականն էր, Ռուսաստանում ծայր տւած յեղափոխական շարժումները ազդել էին մինչեւ իսկ, համարեա կազմալուծւած Հնչակեան կուսակցութեան վերայ: Հնչակեան, կուսակցութեան վերջին մնացորդները մի կերպ կարողացան արտասահմանի մէջ իրենց պատգամաւորական ժողովը դնամարել, որոշելու համար կուսակցութեան անելիքները:

Երկու դիտաւոր հոսանքներ կային այդ պատգամաւորական ժողովի մէջ. ա) Հնչակեան կուսակցութիւնը վերջնականապէս կազմալուծւում է եւ միանում ուսական սոցիալ դեմոկրատներին, բ) Շարունակում է իր առաջնայ դործունէութիւնը յօգուտ տաճկահայ դատի:

Աւելի քան մի ամիս տեւող վիճաբանութիւններից յետոյ յաղթանակում է Բ. տեսակէտը, փոքրամասնութիւնը, որի մէջ էին Հնչակի հիմնադիրներէից Ռ. Խան-Աղաւը եւ Ա. Նաղարբէկեանը, յայտարարում է իրեն Հնչակեան կուսակցութիւնից հեռացած: Այսպիսով Ա. Նաղարբէկը վերջակէտ է դնում իր յեղափոխակ. անցելին եւ իր ձեռքով ամենահանդիստ կերպով գրում է իր յիշափոխական կեանքի տապալմագիրը... Որովհետեւ

այլեւս Մարօն չը կար որ անդադար ներշնչումներ կատարէր, որ կարողանար Նազարբէկին լծել նոր դործի եւ նոր պայքարի...

Աւետիս Նազարբէկեանը մեռաւ քաղաքականապէս, սակայն Մարօն հաւատարիմ իր դադափարներին ուղեց չարունակել իր սկսած դործը եւ Ռուսաստանում տեղի ունեցած յեղափոխութեան շնորհիւ, հնարաւորութիւն ստանալով Կովկաս վերադառնալու, նա այնտեղ իր վերջին ճիգն է թափում Հնչակեան կուսակցութիւնը փրկելու համար...

Նա մեծ ջանք էր թափում նոր կազմակերպութիւններ առաջ բերելու, բայց արդէն ուշ էր, ծառի րունը կտրւել էր իր արմատից եւ այլեւս կենդանացնել անկարելի էր... Հնչակեան կուսակցութիւնը վաղուց մեռել էր Կովկասում...

Սակայն այս գերազանց ճիգերի հետեւանքը եղաւ միանգամայն աղէտաբեր Մարոյի համար...

1905ի Ռուսաստանի յեղափոխութեան մեղրամիտին յաջորդեց յետադարձ շարժումը, նորից բանտերը լըցւեցին յեղափոխականներով, դրանց մէջ էր եւ Մարօն, որ մեղադրւում էր «երկար տալիներ արտասահմանում եւ վերջին ժամանակները Կովկասում յեղափոխական դործերով զբաղւելուն համար»: Յարական դատարանը դատաւարտեց Մարոյին տաժանակիր աշխատանքի, արսորեց Սիրիւր, ուր քամեց դառնութեան բաժակը մինչեւ 1917 թւականը:

Մօտ տասը տարի Սիրիւրում տառապելուց յետոյ, շնորհիւ ուսական երկրորդ յեղափոխութեան, վերջապէս ազատեց եւ վերադարձաւ հայրենիք: Նա յամառօրէն դեռ եւս մնացել էր Հնչակեան եւ մտմտում էր մի որեւէ քաղաքական դեր կատարել, սակայն շատ էր ուշացել, Հնչակեան կուսակցութիւնը վաղուց դադարել

էր դոյութիւն ունենալուց Կովկասում, իսկ 1917 թւահաններին յետոյ բոլշևիկեան ծանր թաթը ոչնչացնել էր ջանում ինչ որ չէր համարատասխանում իր աշխարհայացքին...

Հ. Յ. ԴԱՇՆԱԿՑՈՒԹԵԱՆ ՍԿԶԲՆԱԿԱՆ ՇՐՁԱՆԻ

ԿԻՆ ԳՈՐԾԻԶՆԵՐԸ

Առիթ ունեցանք խօսելու, որ դեռ եւս անցեալ դարու ութսունական թւահաններին թիֆլիզի մէջ մի շարք հայ օրիորդներ էին հրապարակ իջել, որոնք աչքի էին ընկնում իրենց զօրեղ անհատականութեամբ եւ քաջութիւն ունեցան, ոչ միայն արհամարհել այն ժամանակեայ հայ հասարակական նեղմիտ հայեացքները, այլ եւ մի կողմից կարողացան պայքարել կնոջ իրաւունքների համար, միւս կողմից հայ տղամարդու կողքին եւ նրա հետ համահաւասար մասնակցեցին ոչ միայն հայ մշակութային աշխատանքներին, այլ եւ հայ հասարակական-յեղափոխական գործերին:

Այդ օրիորդների մէջ յեղափոխական աշխատանքների ասպարէզում, ինչպէս առիթ ունեցանք խօսելու, առաջնութեան պատիւը պատկանում էր Օրիորդ Թամարա Աղամեանին: Օրիորդ Աղամեանի որդեկրօն դադարները ունեցան իրենց հետեւորդները, որոնց թւելը աստիճանաբար աւելի եւ աւելի շատացաւ, այնպէս որ իննսունական թւահանների չէմքին, երբ տաճկահայ դատը դերազանապէս զբաղեցնում էր հայ մտաւորականութեան, որոշ թիւ էին կազմում այդ օրիորդները եւ իրենց ներկայութիւնը զգացնել էին տալիս տաճկահայ դատի համար կազմակերպած խմբակցութիւնների մէջ:

1888-89 թւականներին կազմակերպւած «Երիտասարդ Հայաստան»ի մէջ, դրանք արդէն որոշ դեր էին խաղում, իսկ Դաշնակցութեան կազմակերպութեան շրջանին, դրանցից ոմանք, եթէ ոչ անմիջական գոնէ կողմնակի մասնակցութիւն ունէին եւ նպաստեցին Դաշակցութեան կազմակերպման:

Երբ 1890 թ. օգոստոսին վերջնականապէս Դաշնակցութիւնը ձեւակերպւեց, դրանք բոլորն էլ մտան Դաշնակցութեան մէջ եւ նորակազմ Դաշնակցութեան կարեւոր անդամներ եղան:

Դժբախտաբար մեզ չեն հասել դրանցից շատերի անունները, գիտենք միայն, որ յեղափոխական գաղափարներով ոգեւորուած օրիորդների մի խմբակի ղիսաւոր կեդրոնավայրը Ն. Մատինեանների բնակարանն էր, որոնց մէջ աչքի էին ընկնում Նիկոլ Մատինեանի երկու քոյրերը՝ Նատալիան եւ Սաթենիկը, Ս. Զաւարեանի քոյր Մարիամը, Օրիորդ Ժէնիա Աղամեանը (Օր. Թամարա Աղամեանի քոյրը), Վարդան Գօլօեանի քոյր Դարիան, Օր. Նատալիա Ամիրխանեան, որի մասին արդէն խօսեցինք, եւ ուրիշներ:

Այս բոլոր օրիորդները համարեա առանց բացառութեան աւարտել էին Թիֆլիզի կանանց վիմնադիան (լիցէյը) եւ պատրաստուած էին զանազան դպրոցների մէջ պաշտօնավարելու, ցանկանալով այդ ձեւով եւ այդ ճանապարհով օգտակար լինելու հայ յեղափոխութեան գործին:

ԺԵՆԻԱ ԱԴԱՄԵԱՆ-ՔԱԼԱՆԹԱՐԵԱՆ

Օր. Ժէնիա Աղամեանը Թամարա Աղամեանի կրտսեր քոյրն էր. աւարտել էր Թիֆլիզի օրիորդական վիմ-

նազիւն (լիցէյը) եւ որոշել էր իր ուժերը գործադրել Տաճկաստանում իբրեւ յեղափոխական վարժուհի:

Երբ Սիմոն Զաւարեանը Տրապիզոնի հայոց դպրոցի տեսուչ էր, վարժուհու պաշտօնով հրաւիրեց Տրապիզոն Օր. Ժէնիա Ադամեանին: Թէպէտ Ժէնիայի ծընողները եւ մօտիկ բարեկամները միանգամայն դէմ էին եւ չէին կարող համաձայնել, որ իրենց երիտասարդ աղջիկը դնայ Տաճկաստանի պէս մի անապահով եւ բարբարոս համարւած երկիր, այնուամենայնիւ Ժէնիան կարողացաւ ընտանեկան այդ դժուարութիւնները յաղթահարել եւ ճանապարհ ընկաւ Տրապիզոն: Սակայն տաճիկ կռաւթուրութիւնը կառնածելով արգիլեց նրան Տրապիզոնի հայոց դպրոցի չէնքն անդամ մտնելու եւ անմիջապէս հեռացրեց նրան իբրեւ վտանգաւոր յեղափոխականի...

Ժէնիան վերադառնալով Թիֆլիզ շարունակեց նրպաստել նորակազմ Դաշնակցութեան դարդանայուն, թէպէտ շուտով ամուսնացաւ, սակայն այդ հանդամանքը երբէք չարգիլեց միշտ հետաքրքրել Դաշնակցութեան գործերով եւ իբրեւ հաւատարիմ Դաշնակցական նա իր ուժերը գործադրել է Դաշնակցութեան օգտին: Կարեւոր է եղել նորա աջակցութիւնը մանաւանդ Դաշնակցութեան դադանի գործերին, երբ պահանջուած էր մեծ գոհարեութիւն եւ աշալուրջ վերաբերում, չը վրտանդելու համար եւ գործը եւ ընկերներին...

Բաւական է յիշատակել, որ այն դժուարին տարիները, երբ ցարական լրտեսները ամէն կերպ հետամուտ էին լինում ձեռք ձգելու ոչ միայն յեղափոխականներին այլ եւ յեղափոխականների տպարանները, Հ. Յ. Դաշնակցութեան առաջին գաղտնի տպարանը կազմակերպւել է Ժէնիայեցի տանը, այնտեղ են տպւել Դաշնակցութեան առաջին թուոցիկները, դուցէ եւ «Դրօշակ»ի ա-

ուսջին եւ երկրորդ համարները :

Հայ թաթարական ընդհարումների ժամանակ, երբ անհրաժեշտ էր չափազանց մեծ քանակութեամբ ոսպմամբերք կենտրոնացնել Թիֆլիզի մէջ, այնտեղից հայկական դաւառները փոխադրելու համար, ժէնիւայէնց ընդարձակ տունը իր սլարտէյով ամբողջապէս տրամադրուած էր Հ. Յ. Դաշնակցութեան կենտրոնական գինական մարմինն :

Այս տանը մէջ էր, որ մեծ զաղտնապահութեամբ կենտրոնացում էին համարեա ամէն օր հարիւրաւոր հրացաններ եւ հաղարաւոր փամփուշտներ եւ նոյն զգուշութեամբ փոխադրւում էին հայկական կարիքաւոր վայրերը, իսկ երբ ընդհարումները դադրեցան, դէնքերի եւ ոսպմամբերքի մեծազոյն մասը այս տնից փոխադրւեց Տաճկահայաստանի զանազան վայրերը : Ժէնիւան, լինելով զաղտնի աշխատանքների չատ վարժ, բազմաթիւ անդամներ կարեւոր յանձնարարութիւններ է ստացել Արեւելեան Բիւրոյից եւ կարելի է ասել, բոլորն էլ կատարել է մեծ բարեխղճութեամբ :

Բաւական տարիներ եղել է Թիֆլիզի Հ. Յ. Դաշնակցութեան կոմիտէի անդամ :

Ժէնիւան ապագայում ծանրաբեռնւած լինելով իր անձնական դորժերով թէպէտ զաղարեց զօրժնական աշխատանքներ կատարելուց, սակայն միշտ էլ մնաց հաւատարիմ Դաշնակցութեան զաղափարներին, սլատ-րաստ լինելով պատեհ առիթին իր աջակցութիւնը րեւելու եւ օգտակար հանգիստանալու :

ԴԱՐԻԱ ԳՕԼՕՇԵՂՆ-ԹՎԴԵՈՍԵԱՆ

Դարիա Գօլօշեանը Վարդան Գօլօշեանի կրտսեր քոյրն էր, մի վերին աստիճանի եռանդուն եւ լուրջ անձնաւորութիւն, որ նոյնպէս մասնակցում էր Դաշնակցութիւնից առաջ դոյութիւն ունեցող յեղափոխական խմբերի մէջ եւ Դաշնակութիւնը կազմելուց յետոյ մըտաւ նրա մէջ ու անձնատուր եղաւ գլխաւորապէս Թիֆլիզ քաղաքի կուսակցական աշխատանքներին: Սա եւս իր միջնակարգ կրթութիւնը ստաւէ. էր Թիֆլիսի օրիորդական գիմնազիոնում եւ վարժուհութեամբ էր պարապում Թիֆլիզի հայոց դպրոցներում: Թէ դպրոցի մէջ եւ թէ ազատ ժամերին ամբողջապէս նւիրւած էր Դաշնակցութեան դադափարները արծարծելու գործով:

Օրիորդ Գօլօշեանը իւրեւ յուժ եւ դադանապահ անձնաւորութիւն վայելել է այն ժամանակեայ ընկերների ուշադրութիւնը եւ վստահութիւնը: Այդ պատճառով 1892-93 թւականներին Բիւրոյի թէ Թիֆլիզի Կ. Կոմիտէի դանձապահ-հաշւապահն է եղել, ինչպէս այդ երեւում է Դաշնակցութեան Կ. Դիւանի մէջ մնացած մի փոքրիկ հաշւեմատեանից: (*)

Այդ փոքրիկ հաշւական մատեանը ծառայել է Օր. Գօլօշեանին նաեւ իրր յուշատետր. ուր նա մի քանի մտքեր է յայտնել ուսերէն լեզւով: Աւելորդ չենք համարում մէջ բերել մի կտոր այդ յուշատետրից, դադադափար տալու համար նրա այն ժամանակեայ մտայնութեան մասին. — «Ո՛վ երիտասարդ ժամանակ ամուր կապերով չի կապել մի որեւէ մեծ, որեւէ օգտակար

(*) Տե՛ս Հ. Յ. Դաշնակցութեան Կ. Դիւանի հաշւական մասի քիւ 4 քաղաքարը:

գործի հետ, այդպիսին պիտի ընդունի, որ իր երիտա-
սարդութիւնը կորցրել է անարժէք կերպով, որքան էլ
այդ երիտասարդութիւնը անցրած լինի ուրախ եւ
քաղցր յիշողութիւններով»:

Պէտք է ընդունիլ որ այդ ձեւի մտածեւակերպը
յատուկ չէ եղել միայն օրիորդ Գօլօշեանին, այլ եւ այն
ժամանակեայ դադափարական երիտասարդութեան,
որոնցից իւրաքանչիւրը աշխատել է իր կեանքը կապել
Դաշնակցութեան պէս մի վեհ կուսակցութեան եւ ան-
սահման ներքումով ծառայել է նորա դադափարներին...

Օրիորդ Գօլօշեանը հաւանօրէն Բիւրոյի հաշւապահ-
դանձապահ եղած ժամանակն է հանդիպումներ ունեցել
Անտառային բարձրագոյն ճեմարանը նոր աւարտած
Արշակ Թադէոսեանի հետ, որը այդ ժամանակներից Հ.
Յ. Դ. Բիւրոյի կարեւոր անդամներից էր: Ժամանակի
ընթացքին նրանք մտերմացան եւ ամուսնացան:

Այնուհետեւ աստիճանաբար Դարիւսն կլանւեց իր ըն-
տանեկան հոգերով եւ այլեւս հնարաւորութիւն չունե-
ցաւ ամբողջապէս ներլուրել իր սիրած դադափարական
գործին: Դարիւսի եւ Արշակ Թադէոսեանի անդրանիկ
որդին Սուրէն Թադէոսեանն էր, որ հայկական բանակի
սպաններից էր եւ քաջարար նահատակւեց 1918 թ. Ղա-
րաքի իսապի տակ եղած ահեղ կոլիւնեբոմ:

ՄԱՏԻՆԵԱՆ ՔՈՅՐԵՐ

Նատալիա Մատինեան.—

Օրիորդական այդ խմբակի մէջ աչքի էին ընկնում
Մատինեան երկու քոյրերը: Մեծը Նատալիան, որ Դաշ-
նակցութեան կազմակերպութեան առաջին իսկ օրերից
անդամագրւել էր Դաշնակցութեան: Հայ ժողովրդին
օգտակար լինելու համար, հաւանօրէն ընկերներ թե-

լադրանքով, ընտրեց մանկաբարձութիւնը, յուսալով, որ կուսակցական դորժերով կարող է դանադան վայրեր մեկնել, եւ իր մասնադիտութիւնը ոչ միայն կը նպաստէ ժողովրդի հետ շփուելուն, այլ եւ հնարաւորութիւն կը տայ ազատ մնալու ոստիկանական հսկողութիւնից...

Եւ որովհետեւ այդ ժամանակները Կովկասում այդպիսի դպրոցներ դոյութիւն չունէին, Նատալիան ստիպւած եղաւ դնալ Մոսկվա:

Մոսկվայում մանկաբարձութիւն սովորելու հետ միասին, նա կարողացաւ մասնակից լինել գաղափարական հայ ուսանողութեան մտաւոր աշխատանքներին: Վերադառնալով Թիֆլիզ, թէպէտ նա նւիրեց իր մասնադիտութեան, սակայն շնորհիւ այդ մասնադիտութեան, նա, մանաւանդ, կուսակցութեան սկզբնական շրջանին կարողացաւ բաղմաթիւ դադտնի յանձնարարութիւններ կատարել, Ռիւրոյի եւ անհատ կարեւոր ընկերների խնդրանքով:

Լուրջ, լուկեաց եւ սառնասիրտ այդ օրիորդը կարողանում էր լինել այնպիսի տեղեր, որոնք մատչելի չէին շատերին... Հակառակ նորա, ու տարիների ընթացքին նա պառաւում էր, սակայն իր հետաքրքրութիւնը դէպի Դաշնակցութիւնը երոէր չր պակասեց այլ միաց նոյնը ինչ որ իր երիտասարդական խանդավառ օրերին:

Սաքեմիկ Մատինեան (Ծաղիկ)

Այլ էր Սաթենիկ Մատինեանի խառնւածքը: Խիղախ, անլախ, վճռական եւ յանդուգն այդ օրիորդը գիտակցում էր, որ մեծ ղոհարերութեամբ միայն հնարաւոր պիտի լինի իրականացնել հայ ժողովրդի փրկութեան դորժը...



Նա թէպէտ արդէն վարժուհի էր Թիֆլիզի հայոց
դպրոցներէց մէկում, սակայն հոգեկան բաւականութիւն
չստանալով այդ խաղաղ աշխատանքից, Նա թողեց իր
հայրենի տունը, հանդիստ գործը եւ Հ. Յ. Դաշնակցու-
թեան Առաջին Ընդհանուր Ժողովից յետոյ գնաց Թաւ-
րիզ, իրրեւ վարժուհի Լիլաւայի դպրոցի, բայց իրա-
պէս նւիրելու յեղափոխական գործին եւ յարմար ժա-
մանակը Դաշնակցական գործիչներէ հետ միասին մըր-
նելու Երկիր։ Այստեղ են ահա սկսուած Օրիորդ Սաթենի-
կի՝ յեղափոխական անունով Ծաղկիկ իրապէս տրժէքա-
ւոր աշխատանքները։

Վանի եւ առհասարակ Տաճկահայաստանի արեւելեան մասերի հետ կապելու եւ յարաբերութիւններ ստեղծելու համար կարեւոր վայրեր էին հանդիսանում Ռուսական Իգդիրը եւ Պարսկական Ատրպատականի շրջանը: Սակայն Իգդիրի վիժը անցեալ դարի ութսունական թւականներէն սկսել էր վտանգւել եւ համարեա անանցանելի էր դարձել շնորհիւ, զլիաւորապէս, Տաճկական սահմանադրում եւ Արարատի փէշերին բնակւող աւաղակարարոյ քրտերի: Այդ խիստ պատճառով նորակազմ Հ. Յ. Դաշնակցութիւնը իր ամբողջ ուշագրութիւնը դարձրել էր Պարսկաստանի դժի վերայ եւ աշխատում էր այնտեղ խարխալ նետել, յեմարաններ հաստատել: Եւ իրօք Հ. Յ. Դաշնակցութիւնը իր կազմակերպութեան սկզբնական շրջանից սկսած, Պարսկաստանում թափել է մեծ եւ քաղմատեսակ աշխատանքներ:

Արտասահմանից, Թիֆլիզից, Բաղւից եւ Անդրրկովկասի ալլ վայրերից հայ լաւագոյն մտաւորականները, ոմանք ինքնաբերաբար, ոմանք յատուկ կուսակցական հրահանգով 1890-91 թւականներից սկսած համալսմբում են Թաթրիդի եւ Սարմաստի շրջանի հայ գիւղերի մէջ եւ կարճ ժամանակի ընթացքում Դաշնակցական մտաւորականները կարողանում են ոչ միայն վերցնել իրենց ձեռքը այդ շրջանների կրթական դործը, այլ եւ յեղափոխական շունչով վարակում են Ատրպատականի ամբողջ հայութիւնը:

Դաշնակցական դործիչները իրենց անթերի բարք ու վարքով եւ յեղափոխական կեցւածքով իրաւամբ յեղաշրջում են առաջ բերում յետամոնաց եւ խաւար Թաթրիդի, ինչպէս եւ Սարմաստի շրջանի հայութեան մէջ:

Չափազանցութիւն չի լինի, եթէ ասենք, որ հայ

ուսուցչի լաւագոյն տիպը կատարելագործւել է Պարսկաստանում : Դաշնակցական ուսուցիչը ոչ միայն դաստիարակիչ էր հայ մանուկներին եւ հայ հասարակութեան, այլ եւ անսահման զոհաբերող էր : Նա գրչի հետ միասին գիտէր եւ սովորեցնում էր ուրիշներին դէնքի գործածութիւնը, պէտք եղած ժամանակ դէնքը ձեռին նա քաջաբար երկիր էր անցնում եւ անլախ չափւում էր թշնամու հետ :

Համարեա բոլոր այն մտաւորականները որոնք այդ ժամանակները եղել են Պարսկաստանում, վերջ ի վերջոյ մեր կուսակցութեան կարեւորագոյն դէմքերն են դարձել : 1891-96 թւականներին մենք հանդիպում ենք այնտեղ Յովսէփ Արղութեանին, Յովնան Դաւթեանին, Նիկոլ Դումանին, Սարգիս Օհանջանեանին, Բարսեղ Գրիգորեանին (Աբամելիքին), Տիգրան Ստեփանեանին, Թորոսին (Գալուստ Ալոյեանին), Վարդանին, Սալոյին եւ շատ ուրիշներին, որոնք համարեա բոլորն էլ չափազանց համեստ վարձատրութեամբ ուսուցիչ են վարձւել եւ ամէն տեսակ զոհաբերութիւն են տարել իրենց գաղափարները տարածելու համար :

Այս մտաւորականների յաջողութիւնը ղլխաւորապէս կայանում էր նրանում, որ իրենց քարոզած գաղափարների եւ իրենց անձնական կեանքի եւ կենցաղի մէջ ներհակութիւն չը կար : Ինչ որ քարոզում էին, նոյնը աշխատում էին իրականացնել իրենց անձնական կեանքի մէջ :

Ահա թէ ինչպէս էր պատկերացնում այդ կեանքը Յովսէփ Արղութեանը, որ Դաշնակցութեան առաջին Ընդհանուր Ժողովից յետոյ Օրիորդ Սաթեմիկի հետ անցել էր Պարսկաստան երւանդ Ղազարեան անունով :

«Թալրիդի Լիւրա թաղամասում, ուր աշխատում էր Յովնան Դաւթեանը իր ընկերներով, սկսւել էր մի

չտեսնւած, անսովոր նոր կեանք:

«Դասախօսութիւններ, կիրակնօրեայ ճրի դասընթացքներ, երեկոյթներ, վերջապէս մի շարք կուլտուրական ձեռնարկներ մի թարմ հոսանք էին մտցրել թաւրիղի քարացած կեանքի մէջ:

«Ո՞վ էր տեսել, որ Պարսկաստանի հարեմական կեանքին ենթակայ հայ կինը յաճախի թատրոն, ներկայ լինի դասախօսութիւններին ու երեկոյթներին:

«Քանի զնում աւելի եւ աւելի խորանում էր ժողովուրդի լայն խաւերի համակրանքը դէպի այդ ուսուցիչները, եւ այդ բանին նպաստում էր այն դադափարական համերաշխութիւնը, սը զոյութիւն ունէր ուսուցչական խմբի մէջ:

«Ուսմբը բաղկացած էր 8-10 հոգուց, ապրում էր մի բնակարանում միասին: Կազմել էին մի փոքրիկ կոմմունա (համայնք) եւ վերացրել սեփականութիւնը:

«Բոլորի ոռծիկը ստանում էր մէկը, բնդհանուր ծախսարարը: Նա էր հոգս տանում ընկերների ուստեսի, հագուստի, ծխախոտի եւ այլ պէտքերի մասին: Ոչ ոք մի չահի ծախսել չէր կարող, որովհետեւ դրամ բացարձակապէս չունէր...

«Ուսուցիչների բնակարանը մի խորհրդաւոր վայր էր կարծես: Գալիս էին ինչ որ անձանօթ մարդիկ, հիւծւած, յողնած դէմքերով, մնում էին մի քանի օր եւ նորից անհետանում:

«Ովքե՞ր էին դրանք...

«Կուլտուրական աշխատանքի հետ զուգընթացաբար կատարւում էր մի ուրիշ, աւելի ծանր ու դժւարին աշխատանք:

«Մեր ազատագրութեան առաջին շրջանն էր, լի դադափարական էջերով:

«Եկողները նրանք էին, այդ դադափարի սղասա-

ւորները, որոնք զալիս էին հանդիստ գտնելու այդ խորհրդաւոր բնակարանում, յողնած, ուժասպառ...

«Երկար թափառել էր նա Վանպուրականի եւ Տաւոնի լեռներում, իր պարէնը, իր հրացանը ուսին, օրեր, շաբաթներ քալել էր անվերջ, սլաքոքի կատարման ճանապարհին, յողնել էր նա եւ այժմ զալիս էր հանգստանալու իր մտերիմ ընկերներին շրջանում:

«Նա ճանապարհին եղել էր մի ուրիշ վայրում, որտեղ նրան ընդունել էին նոյնքան սիրալիր:

«Դուշմանի ձորի բերանում գտնուող հինաւուրց Դերեկի վանքում նա առաջին հանդիստն էր առել Թաւաքալեան վարդապետի մօտ:

«Այժմ զալիս էր Թալրիզ, հանգստանալու, թաքմանալու եւ նոր հրահանգներ ստանալու, ու երբ հանգիստում է իր ընկերներին, մոռանում է իր կրած բոլոր տանջանքները:

«Պետօ, Սալօ, Կարօ (Արիստակէս Զօրեան), Թորոս (Գալուստ Ալոյեան), Չաթօ, Շէրօ եւ էլի լատերը եւ շատ ուրիշներ...

«Ահա դրանք էին, որ զալիս էին զուլումի աշխարհից եւ նորից նոր հրահանգներով վերադառնում լի յոյսերով, լի հաւատով...

Ահա այս իրայատուկ զաղափարական կոմմունիստիկ հաւասար անդամն էր Օր. Սաթենիկ-Մադիկը եւ այս մթնոլորտի մէջ էր, որ զաղափարապէս աւելի եւ աւելի էր կազմակերպւում նա, սակայն նա միայն դպրոցական դործով չէ որ զբաղւում էր Թալրիզում, նրան բաժին էր հանւած չիւել Թալրիզի կանանց եւ օրիորդների հետ յպատրաստել նրանց հոգեպէս եւ զաղափարապէս: Սակայն ամդ դործը այնքան էլ հեշտ չէր, Թալրիզի հայութիւնը ապրում էր իւրայատուկ պայմաններում եւ թափանցել ընտանիքից ներս հա-

փաղանց դժւար էր :

Թաւրիղի կանանց այդ ժամանակեայ դրութեան մասին որոշ տեղեկութիւններ է տալիս ընկ. Սամսոնը, որ իր ամբողջ յեղափոխական գործունէութիւնը անցրել է Ատրպատականում :

«Յուսարեք»ի 1931 թ.ի համարներում գրում է նա. «Թաւրիղի բուն ժողովուրդը ապրում էր հին նահապետական կեանքով, յետամնաց ու ճնշած պարսկական ազդեցութեան տակ: Հարեմական կեանքը տիրապետում էր հայ ընտանիքում: Հայ կինը առանց ծածկոցի (չարսաւի) մէջ փաթաթւելու փողոց չէր կարող դուրս գալ. դպրոց յաճախող աշակերտուհիներն անդամ ծածկոցներով էին պատում»:

Այսպիսի միջավայրի մէջ էր որ պիտի աշխատէր օրիորդ Սաթենիկը:

«Օրիորդ Սաթենիկը, գրում է ընկ. Սամսոնը, մօտիկ յարաբերութիւններ ստեղծելով մի քանի աչքի դարնող ընտանիքների հետ, իր ծանրախոհ ու յուրջ բնաւորութեան շնորհիւ շատ սիրւում եւ յարգւում է դրանց բոլորի կողմից»:

Սակայն նրա նպատակն է լինում, որ Թաւրիղի բոլոր կանանց կարողանայ կապել Հ. Յ. Դաշնակցութեան հետ եւ այդ նրան յաջողւում է...

Ահա այդ առաջին ժողովը, որը կազմակերպել էր Օր. Սաթենիկը:

«Թաւրիղի հայ կանայք փաթաթւած սեւ ու կապոյտ ծածկոցների մէջ շտապում են ժողովի, ոչ ոք չի կամենում բացակայել: Բոլորը լուռ նստած են, խօսում է Օր. Սաթենիկը: Այդ բոպէին նա կատարեալ առաքեալ էր, մարմնացած դադափար, նորա հոգու խորքից դուրս էին թռչում հայրենիքի թշուառ ու դաժան կեանքի պատմութիւնները: Մոլեռանդ քարոզչի

նման, նա նկարագրում էր այն զԺոխքը, որ Տաճկահայաստան էր կոչւում, ուր տառապում էր հայ ժողովուրդը պղպոլին...

«Ժողովականները յուզւած, զպացւած են, չառելը լուռ հեկեկում են...

«Յանկարծ ամէն կողմից լսում է. «Օրիորդ, մենք պատրաստ ենք, մենք ամէն ինչ կ'անենք, ինչ որ պէտք է, ինչ որ դուք ցանկանում էք...»

Շնորհիւ այս ձեւի աշխատանքների թափրիկի ամբողջ լուսաւոյն կանայք Օր. Սաթենիկի միջոցով կապւում են Հ. Յ. Դաշնակցութեան հետ եւ չեն խնայում իրենց աշխատանքներն ու լումաները...

Օր. Սաթենիկը օգտուելով այդ յաջողութիւնից հիմք է դնում «Թափրիկի Հայուհեաց Բարեգործական Ընկերութեան», որի նպատակն էր չափազանց օրիորդների մէջ կրթութիւն տարածել, լաւ մայրեր դարձնել նրանց, միաժամանակ կար ու ձեւ սովորեցնել: Ինչ խօսք որ Օր. Սաթենիկը գլխաւոր դեկամբարն էր այդ ընկերութեան, սակայն ընկերութեան բեղմնաւոր գործունէութիւնը շարունակւել է Օր. Սաթենիկի թափրիկից հետանալուց եւս երկար տարիներ:

Այդ գործերից դատ Օր. Սաթենիկը դարկ է տալիս թափրիկի «Արովեան» զբաղարանին, մասնակցում է յեղափոխական եւ այլ նպատակներով կազմակերպւած երեկոյթներին, իբրեւ սիրող ստիպւած բեմ է բարձրանում եւ որոշ դերեր է խաղում, որովհետեւ այս ճանապարհով միայն կարելի կը լինէր թէ զպրօցի եկամուտները ապահովել, թէ յեղափոխական նպատակների համար դրամ ձեռք բերել եւ թէ կարելի կը լինէր կապել իրենց հետ Թափրիկի ամբողջ հայութիւնը...

Սակայն այդ բոլորը չեն բաւականացնում Օրիորդ

Սաթենիկին եւ նա պատրաստուած է Երկիր անցնել իր ուժերը աշնտեղ օգտագործելու համար :

Ընկերներ յորոշումով Նիկոլ Դումանը, Իշխան Յ. Արդութեանը եւ Օրիորդ Սաթենիկը թողնում են Թաւրիզը եւ անցնում Սալմաստի շրջանը, ապա փոխադրւում են Դերեկի պատմական վանքը, ուր մի խումբ հայդուկներէց զատ Երկրից-Վանից եկել էին Պետոն եւ Արամելիքը՝ Բարսեղ Գրիգորեանը : Կարելի է ասել այս խմբակը Պարսկաստանի եւ Երկրի մէջ աշխատող կարեւորագոյն ընկերներն էին, որ համախմբւել էին միասին՝ իրենց ապագայ անելիքների մասին խորհրդակցելու : Այս խորհրդակցութեան մասնակցում էր եւ Օր. Սաթենիկ-Ծաղիկը իրրեւ համահասարակ անդամ ըլլորի :

Այդ խորհրդակցութիւնների ընթացքին էր, որ Դերեկի վանքի վերայ քրդական յարձակումներ տեղի ունեցան :

Ինչպէս հետագայում պարզեց այդ յարձակումները կազմակերպել էր Վանի վալին, տխրահոգակ Բահրի փաշան : Այդ նպատակով նա յատկապէս եկել էր Բաշկալէ եւ Շարաֆ Բէյի քրտերի հետ մի խումբ ղինուորներ միացնելով, կարգադրել էր յարձակել Դերեկի վանքի վերայ, աւերակ դարձնելու համար վանքը եւ սրի քաշելու ըլլոր հայդուկներին :

Սակայն, ինչպէս ասում են, Բահրի փաշայի մուրադը չիրականացաւ, որովհետեւ վանքի մէջ ապստամնող հայդուկները, ոչ միայն քաջարար ղիմադրեցին այլ եւ քրդերին մեծ կորուստներ պատճառելով փախցրեցին նրանց . . .

Այդ կռիւների ընթացքին էր որ իր քաջութեամբ փայլեց Նիկոլ Դումանը :

Այդտեղ էր որ Թաւրիզի գլորոցի վարժապետ Նի-

կուլը, ոչ միայն իր առաջին յեղափոխական մկրտութիւնը ստացաւ այլ եւ երեւան բերեց իր զեկավարի ընդունակութիւնները, խոր հիացմունք պատճառելով բոլոր ընկերներին: Այդ կռիւները այնպիսի խոր տըպաւորութիւն էին թողել քրդերի վեհայ, որ երկար տարիներ նրանք երգում էին Փէղայիների քաջութեան մասին եւ ողբում էին իրենց կորուստները...

Օր. Սաթենիկ-Ծաղիկը, որ ահանառեւ էր այդ կռիւներին եւ կեանքի մէջ առաջին անգամն էր կռիւ տեսնում, ոչ միայն փախած չէր իր սենեակում եւ սարսափով սպասում էր կռուի վախճանին, այլ անվահեր կերպով դիրքից դիրք անցնելով խրախուսում էր մարտիկներին եւ փամփուշտներ էր բաժանում նրանց:

Կռիւները վերջացան, վերջացան եւ խորհրդակցութիւնները: Համաձայն որոշ ծրագրի նոր ուժեր պիտի մտնէին Երկիր Պետօի հետ. դրանց մէջ էր Իշխան Արզութեան: Այդ խմբակին էր ցանկանում միանալ նաեւ Օրիորդ Սաթենիկը, սակայն ընկերները չէին կամենում Օրիորդ Սաթենիկին իրենց հետ վերցնել, նախ ճանապարհների ղեկավարութեան եւ վտանգաւորութեան պատճառով եւ երկրորդ անյարմար էին համարում... իրրեւ կոտջ իրենց հետ վերցնելը: Թէպէտ Սաթենիկը ոչ մի կարեւորութիւն չէր տալիս ոչ ճանապարհների վտանգաւորութեան եւ ոչ իր կանացիական դրութեան, այնուամենայնիւ ստիպւած համակերպեց ընկերների հետ եւ փորձեց օրինաւոր ճանապարհով Երկիր մտնել իրրեւ վարժուհի: Երբ Պարսկաստանում կատարած բոլոր փորձերը անյաջող վերջացան, Սաթենիկը, որ յուսահատողներից չէր, թողեց Պարսկաստանը, անցաւ Կարսի շրջանը, որպէսզի միանայ Արամ

Արամեանին եւ ԴԺՈՒՔԻՆ, որոնք այդ օրերին պատ-
րաստուում էին Երկիր անցնել: Սակայն նրան Հյաջող-
ւեց միանալ Երկիր անցնող բնիկեաներին, անկարող ե-
ղաւ օրինաւոր ճանապարհով մտնել Երկիր եւ մի քանի
ամիս անյաջող կերպով աշխատելուց յետոյ, Արեւելեան
Բիւրոյի խորհրդով վերադարձաւ նորից Պարսկաստան,
այս անգամ աշխատելու, գլխաւորապէս, Սալմաստի
չրջանում, Տաճկաստանի սահմանի վրայ, որ այդ
ժամանակները արդէն կարեւոր տեղ էր զբաղում եւ
ուր համախմբւել էին զաշնակցական մտաւորականները:

1895 թւականն էր, երբ Օրիւլդ Սաթենիկը հաս-
տատուեց Սալմաստի մէջ իրրեւ վարժուհի, պաշտօնա-
վարելով Նիկոլ Դումանի տեղը, որովհետեւ վերջինս
անցել էր Երկիր մի խոշոր «գլխատար» խմբի հետ...

Այդ ժամանակ Սալմաստի չրջանը դարձել էր
կարգապահութեամբ ամենակարեւոր չրջանը որովհետեւ գլխ-
նատար խմբերը կազմակերպւում էին Երկիր հին անց-
նում Սալմաստի վերայից: Վանի հետ կապը աւելի էր
սերտացել, աւելի յաճախ էին սուրհանդակները երթե-
ւեկում Վանի եւ Սալմաստի միջեւ եւ այդ պատճառով
նպատակադարձոր էր համարւել յատուկ անձնաւորու-
թիւն ունենալ այդ վայրում: Այդ դործը յանձնւել էր
բժիշկ Քրիստափոր Օհանեանին, որ ժընեւի բժշկական
համալսարանը աւարտելուց եւ Ռուսաստանում անհրա-
ժեշտ քննութիւնները տալուց յետոյ եկել հաստատւել
էր Սալմաստում:

Արտաքնապէս նա բժիշկ էր, սակայն նորա գլխա-
ւոր դրաղմունքը Դաշնակցութիւնն էր...

Նրա ձեռքով էին անցնում երկիր դնացող եւ երկ-
րից եկած բոլոր նամակները, նրա մօտ էին տեղի ու-
նենում բոլոր կարեւոր խորհրդակցութիւնները, նա էր
կարգադրում գլխատար խմբերի եւ սուրհանդակների

վերաբերեալ բոլոր դորձերը խի այդ բոլոր աշխատանքներին մասնակից էր Օր. Սաթենիկը:

Այդ ժամանակներն էր, որ թէ Թափրիկի եւ թէ Սալմաստի ընկերները մէջ առտիճանարար հասունանում էր այն դադափարը, որ մանր խմբերով Երկիր անցնելը չի ազդում քրդերի վերայ, որոնք հետզհետէ սկսել էին աւելի յանդուզն եւ համարձակ դառնալ եւ ամէն կերպ աշխատում էին Հ. Յ. Դաշնակցութեան զինատար խմբերի երթեւեկութիւնը խանգարել: Այդ կողմից զգուշի դեր էր կատարում մանաւանդ Շարաֆ Բէյի ցեղը, որը զտնւելով Պարսկական սահմանադիւսի մօտերէն՝ Արաղայի շրջանում, ամէն տեսակ ոճրագործութիւններ էր կատարում Արաղայի դաշտի փոքրաքանակ Հայերի վերայ եւ ամէն կերպ նպաստում էր տաճիկ կառավարութեան հետապնդելով յեղափոխականներին: Գլխաւորապէս Շարաֆ Բէյի ցեղն էր, որ 1905 թւին Վանից հեռացած յեղափոխական խմբերի վերայ յարձակւեց եւ բոլորին դադանարար կոտորեց:

Այդ իրաւամբ ահաւոր աղէտը, որին զոհ գնաց համարեա Վանի ամբողջ ծաղիկ երիտասարդութիւնը, աւելի հասունացրեց արշաւանքի դադափարը եւ ստիպեց յեղափոխականներին մի ուժեղ բոլունքը կազմել խափա կերպով սրածելու Շարաֆ Բէյի քրտերին եւ ընդհանրապէս սարսափ տարածելու քրդերի մէջ...

Հակառակ նորա, որ խափա դադանի էին այդ խորհրդակցութիւնները, այնուամենայնիւ այդ միտքը դարմանալի արագ կերպով ժողովրդականացաւ մարտական կորով ունեցող հայ երիտասարդութեան մէջ:

Եւ ահա զանազան վայրերից Հ. Յ. Դաշնակցութեան սրտականող կամ սրբազան վրէժով լցւած զանազան երիտասարդներ սկսեցին կենտրոնանալ Պարսկաստան... Դա ողբերգութեան եւ յոյսերի մի դար-

մանալի շրջան էր, տենդային աշխատանք էր սկսած ամէն տեղ մանաւանդ Պարսկաստանում... Չափազանց զժւարին դործ էր զաղտնի ճանապարհներով Ռուսաստանի խորքերից ղէնքեր եւ այլ ռազմամթերք հասցընել մինչեւ Թաւրիկ, Թաւրիկի դաշնակցական արհեստանոցում կարգի բերել եւ նոյնպիսի զգուշութեամբ փոխադրել Սալմաստ...

Անհամեմատ զժւարին դործ էր արշաւանքի համար ընտրել մի քանի հարիւր կարեւոր մարտական ուժեր եւ Ռուսաստանի կամ Պարսկաստանի զանազան վայրերից առանց ազմուկի համախմբել Սալմաստի զանազան զիւղերի մէջ եւ դրանց բոլորի առօրեայ կարիքը հոգալ... Ով ծանօթ է այն ժամանակէն, որ միայն կարող է բմբուսել այդպիսի մի դործի զժւարութիւնը... Ի պատիւ Դաշնակցական ընկերների, պէտք է ասել, որ նրանք լիապէս կատարեցին իրենց վերայ դրած պարտականութիւնը եւ այդ անհնարին դործը մեծ դոհողութիւնների զնով կարողացան զլուխ բերել:

Օրիորդ Սաթենիկը, որ այդ աշխատանքների կարեւոր վայրի մէջ էր գտնուում, եւ արշաւանքի ջերմ հողմնակից էր, այդ դործին էր նւիրել իր ամբողջ ուժերը. նա ոչ միայն օդատակար եղաւ Սալմաստի շրջանում այլ եւ իր ուժերը փորձեց եւ ղէնքերի փոխադրութեան մէջ ու յաջող կերպով կատարեց այդ աշխատանքը...

Թէպէտ արշաւանքը ինչ ինչ պատճառներով ձգըձղւեց, սակայն վերջ ի վերջոյ արշաւանքի մասնակցող ընկերները մեծ ոգեւորութեամբ եւ բարձր տրամադրութեամբ 1897 թւին յուլիսի 24ին ճանապարհ ընկան ղէպի Խանասոր պատժելու Շարաֆ բէկի ցեղը...

Օրիորդ Սաթենիկը, որ այդ ժամանակաշրջանին աշխատում էր մերթ Սալմաստում մերթ Թալրիզում, բոլոր ժամանակ մնաց ջերմ կողմնակից արչաւանքին եւ արչաւանքի օրերին Սալմաստ էր, լծւած եռանդուն աշխատանքներին... Նա գիտէր, որ արչաւանքից շատերը կարող են չվերադառնալ, չատերի հետ նա կապւած էր ընկերական դադափարակա՛ն կապերով, սիրում էր նրանց իրեւել իր դադափարակից ընկերներին եւ նրանց կորուստը մեծ աղէտ կարող էր լինել իր հոգու համար, չնայելով որ բոլորը եւ չնայելով դրան, խրախուսում էր բոլորին, դանելով, որ հայրենիքի ազատութեան սրբազան սեղանին դեռ եւս շատ սիրելիներ պիտի զոհարելէ... Դեռ աւելին, մի քանի տարի էր, որ նա ջերմապէս սիրում էր Խշխան Յովսէփ Արդութեանին եւ իր կեանքը կ'ուզէր կապել նրա հետ, սակայն դադափարակա՛ն աշխատանքները նրան կլանել էին ամբողջապէս եւ իր ներքին աշխարհի պահանջներին նա աշխատում էր կարեւորութիւն չտալ եւ, հակառակ նորա, որ իր սիրելին եւս կարեւոր դեր ունէր կատարելիք այդ արչաւանքի մէջ եւ դուրս ապանէր այնտեղ, այնուամենայնիւ Օրիորդ Սաթենիկը քաջաբար տարաւ այդ անջատումը եւ առանց արտաքին ցուերի եւ յուզումների նա ասո՛նական կեցւածքով ճանապարհ ձգեց իր սիրելի էակին...

Արչաւանքը վերջացաւ. քաղաքական պայմանները այդպէս դասաւորուեցին Պարսկաստանում, որ արչաւանքին մտնակցող բոլոր ընկերները անմիջապէս պիտի ցրէին...

Ստիպւած վերադարձան Թիֆլիզ Օրիորդ Սաթենիկը եւ Յովսէփ Արդութեանը մի առ ժամանակ հանդստանալու եւ նորից վերադառնալու իրենց աշխատանքներին: Երկար տարեներ տեւող նրանց մտերմու-

թիւնը, որ արդէն սիրոյ էր փոխւել, վերջացաւ ամուսնութեամբ: Սակայն ուսւս կառավարութիւնը, որ լաւ դիտէր, թէ Իշխան Արղունթեանին եւ թէ Օրիորդ Մատինեանին, չը թողեց որ հանդատանան, եւ, իբրեւ վտանգաւոր եւ վնասակար տարրերի, աքսորեց նրանց:

Իշխան Արղունթեանի համար առաջին անգամը չէր այդ աքսորը, դեռ եւս Դաշնակցութեան ծնունդի ժամանակն էր, որ նա աքսորւել էր Հաշտարիտանի շրջանը եւ առաջին աքսորից նոր էր վերադարձել, երբ եկաւ Պարսկաստան Երւանդ Ղազարեան անուամբ, ուր մնաց եւ աշխատեց երկար տարիներ: Այդ էր երեւի պատճառը, որ այս անգամ աքսորւեցին նրանք Ռուսաստանի հիւսիսային հեռաւոր Վոլոգդա նահանգը մի քանի տարով...

Բնակարանութեամբ վճռական, անխախ ինչպէս քաջ տղամարդ, բուն պայքարող իր համոզմունքների համար, հեռու կանացիական քնքուշ ձեւերից այդ կինը ամուսնանալուց յետոյ ամբողջովին նւիրեց Իշխան Արղունթեանին: Եղաւ նորա հարազատ ընկերակիցը նորա բոլոր աշխատանքների ժամանակ, նորա բաց թէ նեղ օրերին: Սակայն դրա հետ միասին կեանքի յարատեւ հոգսերը կարծես թուլացրին նրա մէջ նախկին եւ ունեւոր եւ նա այլեւս անկարող եղաւ նոյն նւիրումով անձնատուր լինել յեղափոխական աշխատանքներին...

Ընդհանուր պատերազմի օրէն էին...

Յոյսերի եւ ակնկալութիւնների նոր շրջան:

Ապաղայ Հայաստանի երազը կարծես իրականանալու վերայ էր եւ հազարաւոր, տասնեակ հազարաւոր հայ երիտասարդներ քաջարար մեկնում էին ռազմադաշտ...:

Պատերազմի ահեղ կռիւներում ընկած հազարաւոր

հերոսներին փոխարինում էին նորերը նոյն ուղևորութեամբ եւ խղախութեամբ...

Իշխան Արղութեանը, հաղաւտի իր առաջացած տարիքին, ամբողջապէս նւիրւել էր կամաւորական շարժման... Նա եւս մի կազմակերպւած բանակով պատրաստուած էր կռւի դաշտ ելնելու: Սաթենիկը թէպէտ լաւագոյն կերպով հասկանում էր թէ ուր է դնում իր սիրելին իր միակ նեցուկը, սակայն նա ոչ միայն չընդլիմացաւ այլ եւ արժանաւոր կնոջ պէս ներշնչեց եւ քաջալերեց Յովսէփի այդ ձեռնարկը եւ անվարան կերպով նրան կռւի դաշտ ուղարկեց, որովհետեւ համոզւած էր, որ սրբապան արիւնով միայն պիտի ստեղծւէր Հայաստանը...

Վերջացաւ մեծ պատերազմը...

Անասելի քաոսի եւ խաւարի միջից ծնունդ առաւ Հայաստանի Հանրապետութիւնը...

Իշխան Արղութեանը դարձաւ Հայաստանի Հանրապետութեան առաջին գեսպանը եւ Տիկին Սաթենիկը առաջին գեսպանուհին այն Պարսկաստանում, ուր նրանք վեց-եօթ տարի մեծ նւիրումով աշխատել էին, ամէն մի վայրկեան սպասելով, թէ իրենց կարող են ձերբակալել կամ երկրից աքսորել... Թէ մէկը եւ թէ միւսը իրենց աշխատանքի արժանի վառատին էին վայելում:

Սակայն Հայաստանի Հանրապետութիւնը դո՛ւր ևս չէր բուլճարեցի-թրքական խաղերին եւ իշխան ու իշխանուհի Արղութեանները նորից վերջին տարադրի ցուպը եւ հասան մինչեւ Փարիզ:

Փարիզում, իրենց ծերութեան օրերին կրեցին թշւառութեան եւ աղքատութեան դառը բաժակը.

բայց մնացին միշտ հաւատարիմ իրենց նախկին դա-
դարներին եւ միմիանց սիրող ազաւնիների նման
մէկ մէկու յետեւից մտան զերեզման...

Շաւիլի շրջանի փոքրիկ գերեզմանատան մէջ բարձրա-
նուն է մի համեստ շիրիմ, այդ շիրիմի տակն է որ
հանդնում են երկու զաղափարակից ընկերները՝ Իշ-
խան Յովսէփը եւ Իշխանուհի Սաթեւնիկը...

ՕԺԱՆԴԱԿ ԿԻՆ ՈՒԺԵՐ ՊԱՐՍԱԳԱՍՏԱՆՈՒՄ

Հ. Յ. Դաշնակցութիւնը այդքան խոշոր աշխա-
տանքներ ունենալով Պարսկաստանում, բնականաբար
պէտք է ունենար բազմաթիւ օթանդակ ուժեր, որոնց
մէջ իրենց կարեւոր բաժինն են ունեցել կանաչք, սա-
կայն թւել ըստ օթանդակ կին ուժերին նոյնպէս ան-
կարելի է, որովհետեւ շատ են եղել զբանք, ոմանք
նստաւոր են փոխադրութեան եւ պահեստների դուր-
ծին, շատերը պատասպարել եւ խնամել են զաղափարա-
կան դործիչներին եւ մարտիկներին, օգտակար են
եղել հանդանակութեան եւ այլն:

Հայրենիքի փրկութեան զաղափարը աստիճանա-
բար ժողովրդականանում էր եւ ամէն մէկը, զբանց
մէջ լինելով եւ շատ համեստ զիրքի ու ըմբռնումների
կանաչք իրենց ուժերի չափ նպաստում էին րնդհանուր
գործին...

Այդպիսի ուժերից էին օրիորդներ Փուղլինեանը եւ
Մարօ Մակարեանը, որոնք զաշնակցակա՛ն զաղափա-
րական օրիորդներ էին եւ Կովկասից անցել էին Պարս-
կաստան, զբաղւում էին ուսուցչութեամբ եւ իրենց
ուժերի սահմաններում ամէն կերպ աշխատում էին օգ-
տակար լինել Հ. Յ. Դաշնակցութեան:

«ՍԱՌԱ ՄԱՅՐԻԿԸ»

Այդպէս էր կոչուում ուսուցչուհի Երանուհի Չոհրաբեաններին մայրիկը, որ իր սեփական տունը ունէր Սալմաստի Հաւթիւան գիւղում: 1892 թւականին, եւր Հ. Յ. Դաշնակցութեան գործերը Ատրպատականում բաւական ընդարձակեցին, անհրաժեշտ համարուեց Սալմաստի շրջանում զանազան կայաններ հաստատել: Այդ նպատակով Նիկոլ-Դումանը Հաւթիւան ուղարկեց Չոհրաբեան ամուսիններին, որպէսզի նրանք Հաւթիւանում ուսուցչութեամբ զբաղեն եւ իրենց սեփական տունը կայան դարձնեն Թալիշիկից եւ Երկրից եկած ընկերների համար:

Սառա մայրիկը, որ մեծ գուրգուրանք ունէր բոլոր ընկերների հանդէպ, լինէին նրանք մեծ թէ փոքր, կրթած թէ հասարակ գիւղացի, իր դուռը լայն կերպով բացել էր բոլորի առջեւ: Նա հարստատ մօր քրնքուշ զգացումներով ընդունում էր բոլորին. տեղ էր տալիս նրանց հանգստանալու համար, կերակրում էր, լւանում եւ կարկատում էր նրանց հաղուստները, եւ այդ բոլորը անում էր մեծ սրտբացութեամբ եւ միանգամայն անշահախնդրութեամբ: Նա իրուամբ մի գրթառատ եւ հայրենասէր կին էր եւ նրանց տունը Սալմաստի կարեւոր յեղափոխական օճախներից էր, ուր հայ յեղափոխականը զգում էր իրեն իր հայրենական տան մէջ...

Եւր Նիկոլ Դումանը փոխադրեց Սալմաստի շրջանը եւ հաստատուեց իբրեւ ուսուցիչ Ղալասար գիւղում, ուսուցչութեան պաշտօնի հրաւիրեց Չոհրաբեան ամուսիններին, որոնց հետ միասին փոխադրեց եւ Սառա մայրիկը, հաստատելով իր կայանը Ղալասար գիւղում, որը աւելի յարմար էր Հաւթիւանից:

Նոյն եռանդով եւ նոյն սրտցաւութեամբ Սառա մայրիկը շարունակեց խնամքի զործը...

Ղալասար գիւղը այդ ժամանակներէց սկսած մինչեւ համաշխարհային պատերազմը մնաց Հ. Յ. Դաշնակցութեան կարեւոր կենտրոնավայրը:

Այսպիսի կայաններ չառ են եղել Պարսկաստանի զանազան վայրերում, որոնց բոլորի վերայ կանգ առնել անկարող ենք:



ԲՈՎԱՆԴԱԿՈՒԹԻՒՆ

Երկու խօսք

Առաջին Հայ Յեղափոխական կինը	
Թամարա Ադամեան-Ներսիսեան	8
Նատալիա Ամիրխանեան-Մուրադխանեան	19
Մարիամ վարդանեան-Նազարբեկեան (Մարօ)	23
Հ. Յ. Դ. սկզբնական շրջանի կին գործիչները	39
Ժենիա Ադամեան-Քալանթարեան	40
Դարիա Գօլօշեան-Թադէոսեան	43
Մատինեան Քոյրեր	44
Օժանդակ կին ուժեր Պարսկաստանում	61



Copyright by the Author.
Printed in France.

Im. Araxes - 46, rue Richer, Paris

ԳԱԱ Հիմնարար Գիտ. Գրադ.



FL0016220

-504.

ՄԵՐ ՀՐԱՏԱՐԱԿՈՒԹԻՒՆ

ՀԱՅ-ԹԱԹԱՐԱԿԱՆ ԸՆԴՀԱՐՈՒՄՆԵՐ

Առաջին հատոր (սակաւաթիւ)

Եւրոպայից դուրս

ՆՈՐ ՄԱՏԵՆԱՇԱՐ

Թիւ 1. ԱԶԳԱՅԻՆ ՇԱՐԺՈՒՄՆԵՐԻ ԴՐԿԱՊԱՏՃԱՌ-

ՆԵՐԸ 19րդ ԴԱՐՈՒՄ

5 ֆր.

Եւրոպայից դուրս

7 ֆր.

Թիւ 2. ՅԵՂԱՓՈԽԱԿԱՆ ՀԱՅՈՒՀԻՆԵՐ,

Առաջին մաս.

Գին 7 ՖՐԱՆԿ

Եւրոպայից դուրս

20 ՍԷՆՏ

«ՆՈՐ ՄԱՏԵՆԱՇԱՐ»-Ի

Գրիգորիները ստանալու համար պէտք է դիմել.

Մոնմորանսի՝ Տիկ. Հայկանուշ Գիւլխանդանեանին՝

30, rue Lucien Perquel

Montmorency (S. et O.)

Փարիզ՝ Պ. Լեւոն Գեւորգեանին, խմբ. Ցառաջի

17, rue Damesme

Paris (13^e)

Մ. Պարսամեան Գրատունը

46, rue Richer, Paris (9^e)

Պատրաստում է տպագրութեան համար

«ՆՈՐ ՄԱՏԵՆԱՇԱՐ»-Ի ԹԻՒ 3Ը

ՅԵՂԱՓՈԽԱԿԱՆ ՀԱՅՈՒՀԻՆԵՐ» ԵՐԿՐԱՐԴ մաս

Im. Araxes - 46, rue Richer, Paris

ՀԵՐԱ

ՀԵՐԱ